


解會部



杭州圖書館藏



大法

丹腹痛 有寒 積熱 死血 食積 濕痰 胎前腹痛 產後腹痛 腸鳴

垣夫心胃痛及腹中諸痛皆因勞力過甚飲食失節中氣不足寒邪乘虛而入客之故卒然而作大痛經言得炅則止炅者熱也以熱治寒治之正也然腹痛有部份臟腑有高下治之者亦宜分之如厥心痛者乃寒邪客於心胞絡也前人以良薑芎藭大辛熱之味末之酒調服其痛立止此直折之耳真心痛者寒邪傷其君也手足青至節甚則旦發夕死夕發旦死中脘痛者太陰也理中建中草薤菖丸之類主之臍腹痛者少陰也四逆薑附禦寒湯之類主之少腹痛者厥陰也正陽散回陽丹當歸四逆湯之類主之雜症而痛者苦練湯酒煮當歸九丁香縛實丸之類主

醫學綱目卷三

之是隨高下治之也更循各臟部分穴俞而灸刺之如厥心痛者痛如針刺其心甚者脾之痛也取之然谷太溪餘臟皆然如腹中不和而痛者以甘草芍藥湯主之如傷寒候下傳太陰腹滿而痛者桂枝加芍藥湯主之痛甚者桂枝加大黃湯主之夏月肌熱惡熱脉洪疾而痛者黃芩芍藥湯主之又有諸虫痛者如心腹懊懣作痛聚往來上下行痛有休止腹熱善渴涎出面色乍青乍白乍赤嘔吐水者蛭咬也以手緊按而堅持之無令得脫以鍼刺之久持之虫不動乃出鍼也或局方化虫丸及諸虫之藥量虛實用之不可一例治也

瀉秋腹痛肌寒惡寒脉沉微足太陰足少陰主之桂枝芍藥湯 中脘痛太陰也理中建中黃芪湯之類 臍腹痛少陰也四逆真武附子湯之類 小腹痛厥陰也重則正

陽散回陽丹之類，輕則當歸四逆湯之類，太陰傳少陰痛甚者，當變下利而止。

中脘痛
肩大陸

仲虛勞裏急，腹中痛，小建中湯主之。

方見傷寒

羅肝勝乘脾。○真定路總管劉仲美年踰六旬，有脾胃虛熱之証，至元辛巳閏八月初，天氣陰寒，因官事勞役，渴而飲冷，夜半自利兩行，平旦予診視，其脉弦細而微，四肢冷，手心寒，唇舌皆青褐色，腹中微痛，氣短而不思飲食，予思內經云：色青者肝也，肝屬木，唇者脾也，脾屬土，木尅土，故色見於唇，難經亦云：見肝之病，則知肝當傳之於脾，故先實其脾氣，今脾不受肝之邪也。察古先師云：假令五臟各行已勝，侮所不勝，當重實不勝，微瀉其勝，以黃芪建中加芍藥，附子湯主之。且芍藥味酸，瀉其肝木，微瀉其勝，黃芪甘草，甘溫補實脾土，皆重實其勝，桂附辛熱治其寒水，又

八賢學總卷三

二

助陽退陰，飴糖甘溫補脾之不足，肝苦急急食甘以緩之，生姜大棗辛甘大溫，生發脾胃，升騰其氣，行其榮衛，能緩其急，每服一兩，依法煎服，再服而愈。黃芪建中湯倍芍藥。

量虛實加附子

本方見治虛實法

仲理中湯

方見湯寒少陰病

垣草荳蔻丸治脾胃虛而心火乘之，不能滋榮上焦元氣，遇冬腎與膀胱之寒水旺時，子能令母實，致肺金大腸相輔而來尅心，乘脾胃，此大復其舊也。經曰：大勝必大復，故皮毛血脉分肉之間元氣已絕於外，又大寒大燥二氣併乘之，則苦惡風寒耳鳴及腰背相引，胃中而痛，鼻息不通，不聞香臭，額寒腦痛，目時眩目，不欲開腹中為寒水反乘痰唾涎沫，食入反出，腹中常痛及心胃痛，脇下急縮，有時而痛，腹不能努，大便多瀉而少秘，下氣不絕，或腸鳴，此脾

胃虛之極也。胃中氣亂，心煩不安，而為霍亂之漸。膈咽不通，噎塞極則有聲喘喝，閉塞或日陽中，或燠房內，稍緩口吸風寒，則復作四肢厥冷，身體沉重，不能轉側，不可回顧。小便澀而時燥，此藥主秋冬寒涼大復氣之藥也。

草苴薏仁一錢四分 麩四分 吳茱萸八分 湯洗培乾

益智仁分 陳皮分 白姜錢一 甘草分六

桃仁去皮尖 青皮分六 澤瀉一分 小便數減半

黃芪分 半夏一錢 湯分 人參分 麥蘗一錢

神麩分四 姜黃分四 當歸身分六 柴胡分四

右件十七味，同為細末。桃仁另研如泥，再入一處研勻。湯浸蒸餅為丸，如桐子大，每服三五十丸，白湯送下。旋斟酌多少。

神聖復氣湯治復氣乘冬足太陽寒氣足少陰腎水之旺

子能令母實，手太陰肺實，反來侮土，火木受邪，腰背胃膈閉塞，痛疼善噎，口中涎，目中泣，鼻中流濁涕，不止或有息肉，不聞香臭，咳嗽痰沫上熱，如火下寒，如水頭作陣痛，目中流火，視物眈眈，耳鳴耳聾，頭并口鼻，或惡風寒，喜日陽夜臥不安，常覺痰塞，膈咽不通，口無滋味，兩脇縮急，而痛牙齦動搖，不能嚼物，腰臍間及尻髻膝足寒，冷陰汗前陰冷，行步欹側，起居艱難，掌中寒風，痺麻木，小便數而晝多，夜頻而少，氣短喘喝，少氣不足以息，卒遺矢，無度，婦人白帶陰戶中大痛，牽心而痛，驚黑失色，男子控辜，牽心陰陰而痛，面如赭色，食少大小便不調，煩心霍亂，逆氣裹急，而腹皮色白，後出餘氣，腹不能努，或腸鳴膝下筋急，肩胛大痛，此皆寒水來復火土之讐也。

乾姜炮三分 人參五分 半夏湯泡七分 柴胡錢一

藁本分八

防風分五

羌活錢一

甘草分八

升麻分七

白葵花五朵

歸身六分

黑附子三分

皮

桃仁湯浸去皮五分研

郁李仁湯浸去皮五分

右作一服水五盞煎至二盞入

黃芪錢一

草苴蔻錢一錢麵煨去皮稱

陳皮分五

右件入在內再煎至一盞再入下項藥

黃柏五分酒浸

黃連三分酒浸

枳殼分三

生地二分酒洗

已上四味預一日另用新水浸又次入

細辛分二

川芎分三

蔓荊子分三

預一日用水半大盞分作二處浸此三味并黃柏等藥

前正藥作一大盞不去查入此浸藥再上火煎至一大

盞去查稍熱服空心又能治咬頰咬唇咬舌舌根強硬

等症如神忌肉湯及食肉使不助經絡中火邪也大抵

大醫學綱目卷三

四

腎份膀胱經中有寒肺氣元氣不足者皆宜服之神驗

於月生月滿時隔三五日一服如病急不拘時候

益智和中九季秋合治心腹中大痛煩躁冷汗自出

草薹仁錢四分

益智仁錢三分

甘草錢二分

黃芪

當歸身

人參

乾姜

麥門冬

麩末

陳皮各五分

桂枝

桂花錢各一分

大麥蘖錢炒三分

黃連錢一分

生地錢一

姜黃錢三分

木香分二

右爲細末湯浸蒸餅爲丸如桐子大每服二三十丸溫

水送下細嚼亦得

溫胃湯治服寒藥多致脾胃虛弱胃脘痛

白苴蔻分三

益智

砂仁

甘草分二

姜黃各二分

陳皮分七

澤瀉分三

黃芪分七

乾姜分二

厚朴分二

人參分三

右為細末每服三錢水一盞煎至半盞食前服

丹里成人年二十五歲肚痛二箇月食少面微寒

白朮

陳皮

青皮各半兩

川芎

白芍

半夏各三錢

蒼朮

官桂

歸身尾

甘草炙

木通各一錢

分七貼姜二片煎下保和丸二十粒

一老人腹痛作隔不禁下者

川芎

蒼朮

香附

白芷

茯苓

乾姜

滑石

右八方皆治中寒虛寒腹痛也

垣木桂湯治寒濕所客身體沉重胃脘痛面色痿黃

麻黃錢一

桂枝分五

杏仁十箇

草薺仁

入醫學綱目卷三

五

半夏

澤瀉

炒麴各五分

蒼朮錢三

陳皮錢一

白茯苓各一錢

猪苓分五

黃芪各五分

甘草二分

右咬咀水二大盞煎至一盞去渣稍熱服食前

麻黃草薺薤丸季秋合洽客寒犯胃心胃大痛不可忍者

升麻

大麥麴

砂仁

黃芪

半夏湯泡

白朮

陳皮各五分柴胡

甘草炙

吳茱萸

當歸身

青皮

木香

厚朴各二錢

萹澄茄

紅花

蘇木各五分

右為末湯浸蒸餒為丸如桐子大每服三五十九細嚼

溫水送下

厚朴湯治脾胃虛寒心腹滿及秋冬客寒犯胃時作疼痛

厚朴製

陳皮去白

甘草炙

乾姜各五錢

茯苓去皮

戊火已衰不能運化又加客氣聚為滿痛散以辛熱佐以苦甘溫以淡泄之扶持胃氣以期乎也

羅高良姜湯治心腹絞痛如刺兩脇支滿不可忍

高良姜錢五

厚朴製

當歸炒

桂心各二錢

右咬咀以水一升煮取四合分二服若一服痛止便停不須更服若強人分二服劣人分三服增損之

本治心脾痛神効荔枝核為末每服一錢熱醋湯調下

臍腹痛屬少陰

仲四逆湯 真武湯 附子湯已上三方並見傷寒

腹中寒氣雷鳴切痛胃膈逆滿嘔吐附子粳米湯主之

附子炮

半夏分五

甘草半兩

大棗十箇

醫學綱目卷三

六

粳米半升

右五味以水八升煮米熟用湯或去查溫服一升日三服

羅益智散治傷寒陰盛心腹痞滿嘔逆瀉利手足厥逆及

一切冷氣攻心脇臍腹脹滿絞痛

川烏炮去皮

益智去皮

乾姜炮

青皮去白

右為細末每服三錢水二盞生姜三片棗二枚劈破同煎至八分去查溫服食前

本又方治胸滿氣噎下部冷臍腹痛

半夏二兩

生薑六兩

陳皮去白

桂一兩

吳茱萸五十粒

湯洗泡

右咬咀用水十升煮取四升分五服冷再服空心食前服 予少年時曾患臍疝腹痛初不疑其虛遍服諸家

藥無效遂自診之覺是虛症合此藥一劑服未至半劑頓愈

少腹痛
屬厥陰

海正陽散 回陽丹 當歸四逆湯已上三方
方見陽寒

羅葱熨治驗 內經云寒氣客於小腸膜原之間絡血之

中血泣而不得注於大經血氣稽留不得行故宿昔而成

積矣又寒氣客於腸胃厥逆上出故痛而嘔也諸寒作痛

得炷則痛立止真定一秀才年三十一肌體本弱左脇下

有積氣不敢食冷物覺寒則痛或嘔吐清水眩運欲倒目

不敢開惡人煩冗靜臥一二日及服辛熱之藥則病退延

至至元甲戌秋初因勞役及食冷物其病大作腹痛不止

冷汗自出四肢厥冷口鼻氣亦冷面色青黃不澤全不得

臥扶几而坐咳嗽咽膈不利予與藥服之見藥則吐藥不

得入無如之何遂以熟艾約半斤用白紙一張鋪於腹上

紙上攤艾令勻又以蔥蔥數枝批作兩半片鋪於熟艾上

再用白紙一張覆之以慢火熨斗熨之冷則易之覺腹中

熱腹皮暖不禁以帛三搭多縫帶繫之待冷方解初熨時

得暖則痛減大暖則痛止至夜得睡翌日再與對証藥服

之良愈故立此熨法以救將來之痛也

海夏腹痛肌熱惡熱脉洪疾手太陰足陽明主之芍藥黃

芩湯治腹痛脉洪數方見下
滯下

丹婦人肚墜痛不泄脉不數

陳皮 地黃 芍藥二錢 黃芩

木通 歸尾一錢 甘草炙 桃仁二十

經卒患腹痛水研山苳根汁半盞服之

五靈脂湯治中暑肚腹疼不已 五靈脂 香附各等分 右為末白湯調服

腹痛或大便秘或用手重按痛處不痛者為虛治法並於寒條選用之或無寒者如左方

芍藥甘草湯芍藥甘草治腹痛稼穡作甘甘者已也曲直作酸酸者甲也甲已化土此仲景妙方也

芍藥二兩 甘草一兩

右咬咀每服五錢水煎服海藏云白收而赤散也酸以收之甘以緩之

海肚腹痛者芍藥甘草湯主之

弦 傷氣 芍藥

洪 傷金 黃芩 加棗

脉緩 傷水 加桂枝 生姜

澀 傷血 當歸

遲 傷火 乾姜

丹婦人痢後血少腹痛

白芍藥二錢 歸身尾半錢 陳皮錢二 川芎五分

調服六一散

仲痛而秘者厚朴三物湯主之

厚朴兩 大黃四兩 枳實五兩

右三味以水一斗二升先煮二味取五升內大黃煮取二升溫服一升以利為度

丹一男子年十八歲自小面帶微黃五月間腹大痛醫者與小建中湯加丁香兩貼不効加嘔吐清汁又與十八味丁沉透膈湯兩貼食全不進痛無休止臥不能起如此五六日又與阿魏丸百餘粒至夜發躁不得睡口却不渴予脉之左三部沉弦而數關部尤甚右三部沉滑而數實痛處不可按遂與大柴胡湯四貼加甘草下之痛嘔雖減食

猶未進遂與小柴胡湯去黃芩人參加芍藥陳皮黃連生
甘草二十貼而愈 自雲許先生始因飲食作痰成脾疼
後累因觸冒風雪腿骨作疼衆皆以脾疼骨疼爲寒雜進
黃牙藏丹等藥雜治十餘年間艾灸數萬計或似有効及
至病再作反覺加重至五十一歲時又冒雪乘船而病愈
加至坐則不能起扶起亦不能行兩脰骨不能開合若脾
疼作時則兩脰骨痛處似覺稍輕若飲食甘美脾疼不作
則脰骨重痛增諸老袖手計無所出予謂此初因中脘有
食積痰雜以胃寒濕抑遏經絡血氣津液不行痰飲注入
骨節往來如潮其湧而上則爲脾疼降而下則爲脰骨痛非
湧泄之法不足以治之時七月二十四日遂以甘遂末一
錢入猪腰子內煨與食之連瀉七行至次日兩足便能行
步至八月初三日嘔吐大作不能起牀顆粒不食但時煩

躁氣弱不能言語諸老皆歸罪於七月之瀉而又知累年
熱補之悞皆不敢用藥予嘗記金匱云病人無寒熱而短
氣不足以息者此實也其病多年鬱結一旦以刀圭之劑
泄之徒動猖狂之勢他未有制禦之藥所以如此仍以吐
劑達其上焦以次第治及中下二焦於初三日用瓜蒂吐
不透初六日用梔子又吐不透初九日用附子尖三枚和
漿水與之始得大吐其嘔噦終止前後所吐共得膏痰沫
液一大水桶初十日遂以朴硝滑石黃芩石膏連翹等涼
藥咬咀一斤蒸煎濃汁放井水中極冷飲之十一月十二
日十三日十四日每日食上件藥一斤十五日腹微滿大
小便皆秘悶予欲用大承氣下之諸老皆以爲不可十六
日六昧皆歇至予診其脉獨歇至卯酉二時其餘時刻平
勻如舊予曰卯酉爲手足陰陽之應此大腸與胃有積滯

不行所致當速瀉之爭論不已至十八日遂作紫雪牛片十九日早紫雪成每用一匙頭以新汲井水化下至二十日天未明已服紫雪五兩神思稍安腹痛亦減遂收起紫雪不與二十一日大為小便閉作痛所苦遂飲以蘿蔔子汁半茶鍾隨手痛止小便立通廿二日小腹滿痛不可捫摸神思不佳遂以大黃牽牛作丸服至三百丸至二十三日已時下大便併通如爛魚腸三碗許臭惡可畏是日神思稍安診其脉不歇至矣二十四日腹大絞痛殆不能勝者約一時許腰膈沉重且墜兩時不出聲不能言瀉下穢物如柏油條者一尺餘肚中如燒片時方定至廿五日神思漸安夜間得睡廿六日漸能出聲言語自初二日至此並顆粒不曾入口語言並不出聲至廿七日方啜半盞稀粥者四次似有生意至次月初四日方平安其脉自嘔吐

八醫學綱目卷三

一

至病安日皆是平常強大之脉唯有中間數日歇至少異耳至次年四月復行倒倉法方步履如初

腸癰亦腹痛但小便數似淋脉滑數為異耳治法見腸癰本門

腹脹短氣夜之

肘治小腹俱脹痛短氣欲死或已絕用烏梅二七枚水五升煮一沸內大錢二七枚煮取二升半強人可頓服瘦人

可分之再服

汗血散之

瀉當歸丸治三陰受邪於心膈少三腹疼痛氣風等症

四物湯各半兩 防風 獨活 全蝎各五分

續斷各一兩 苦練 玄胡各七錢 木香

丁香各二錢半 茴香一兩炒

右為細末酒糊丸桐子大空心溫酒下三五十九大効

四物苦練湯

四物湯

玄胡索

苦練各一兩

雲治腹中攪痛不可忍

玄胡索

當歸

白芍

川芎

乾姜各等分

右為末每服三錢溫酒調下

又法治証同前

玄胡索

桂心各半兩

當歸一兩

右為細末熱酒調下

失笑散治心腹痛欲死百藥不効服此頓愈方見心痛

經治脾寒氣發歇痛不可忍者茱萸一兩桃仁一兩和炒

令茱萸焦黑後去茱萸取桃仁去皮尖研細葱白三莖煨

熟以酒浸溫分三服

腹痛脈滑者痰脈弦者食

清痰多作腹痛

濕痰

醫星綱目卷三

二

白芍

蒼朮

香附

白芷

右為末生姜自然汁調入熱湯服之

積

溫中丸治食積肚痛

白朮

香附童便浸

針砂各四兩醋浸炒紅

山查肉

神麴各八兩

苦參一兩

川芎半兩春用夏去

吳茱萸

牛兩湯浸冬用春去之

蒼朮

米泔浸一宿二兩五錢

右為末醋調麴為丸如桐子大一方去山查神麴川

芎加半夏青皮黃連

世蒼朮丸治失饑傷飽肚痛不食

蒼朮炒

橘紅等分為末

右生姜汁打炒神麴糊丸如桐子大每七十九米飲下

丹酒積腹疼痛用三稜蓬莪朮香附官桂蒼朮厚朴陳皮

甘草茯苓木香檳榔治之

楊淳三哥年六十食積痰作痛在心頭或在腹脇脈皆弦
瀦食甚少大便秘實此濕積也宜生血行氣進食磨積補
虛

白木 炒麴 半夏各一錢半 郁李仁

歸身尾 芍藥 陳皮各五錢 山查五錢

川芎三錢 人參二錢 柴胡二錢 紅花五分

桃仁三箇

細末粥丸一日三次食前白湯下四五十丸

氣

羅七氣湯治虛冷上氣及寒氣怒氣思氣喜氣憂氣愁氣
內結積聚堅牢如杯心腹絞痛不能飲食時發時止發即
欲死此藥主之

半夏湯洗五兩 人參去芦 甘草炙 肉桂各一兩

右為粗末入半夏令勻每服二錢水一大盞生姜三片

醫學綱目卷三

三

重

煎七分去查稍熱服食前

腹痛有作止者有塊耕起往來者吐清水者皆是虫痛治
法見心痛

肝鬱

井窈渠吳孺人年近四十得腹隱痛常以火燒磚瓦熨之
面與胃襟間惡火之熱氣發時少煩食亦減六脈和皆微
弦最苦夜間不得睡但世上凶惡之事并憂苦境像皆上
念時作惡泣說離別囑付後事如此者一年衆作心痛治
之自覺氣自下衝上雖久病人却不瘦予曰此肝受病遂
與防風通聖散吐之時尚春寒於通聖中加桂入姜汁調
之日三四次至初夏稍熱與當歸龍膽丸枳朮丸一月而
愈

運氣

運氣腹痛有二

一曰土盛攻腎而痛經云歲土太過雨濕流行腎水受邪

雜方

民病腹痛清厥意不樂是也

二曰火鬱之發痛經云火鬱之發民病腹中暴痛是也
世鹽炒熟用布裹熨痛處神効

丹攪腸沙用台芎爲末每一錢許入生姜自然汁半盞熱
湯內調服 又方樟木煎湯大吐之或用白礬末一錢清
湯調服探吐之或鹽湯探吐之亦可

針灸

世治發沙面青壯疾昏倒不省人事急以鼠屎一合研爲
細末滾湯調令通口澄清服之一服而安神効宜預收下
刺灸腹痛有四法

其一取脾胃經云邪在脾胃陽氣不足陰氣有餘則寒中
腸鳴腹痛皆調于三里又云足太陰之別名曰公孫去本
節之後一寸實則腹中切痛取之所別也又云腹痛刺臍
左右動脈已刺按之立已不已刺氣衝已刺按之立已

也

醫學綱目卷三

三

其二取大腸經云大腸病者腸中切痛而鳴濯濯感于寒
卽泄當臍而痛取巨虛上廉是也

其三取督脈經云腎虛則胃中痛大腹小腹痛清厥意不
樂取其經少陰太陽血者是也

其四取任脈經曰任脈之別名曰尾翳下鳩尾散于腹實
則腹皮痛取之所別也

世治絞腸沙症手足厥冷腹痛不可忍者以手蘸溫水於
病者膝灣內拍打有紫黑處以針刺去惡血卽愈

玉腹痛并治氣塊 內關 支溝 照海

撮氣痛并治積痛食不化 氣海一寸半灸 中脘二寸

十 隱白二分瀉之 灸七壯

桑又法 巨闕 足三間 怪穴腹痛腸鳴 氣衝在氣海旁

各一寸半針入二
十半灸五十壯

世臍腹痛 陰陵泉 太衝 三里 支溝下已取穴 中

腕 關元 天樞 繞臍痛 公孫 三陰交 陰谷

東胃脘暴痛臍中堅痛 石門 商丘 陰谷 大腸俞

臍俞

甲腹中寒疼外陵主之 大腸寒中千金作寒疝 大便乾腹中

切痛者盲輪主之 繞臍痛捨心膝寒注利腹結主之

仲夫瘦人繞臍痛必有風冷穀氣不行而反下之其氣必

衝不衝者心下則痞也

脈若腹痛脈反浮大而長者死重痛脈浮大無妨

心腹痛痛不得息脈細小遲者生堅大疾者死有積脈堅大無妨

胎前腹痛

仲婦人懷胎腹中諸疾痛當歸芍藥散主之

醫學綱目卷三

古

當歸兩 芍藥一斤 茯苓兩 白朮兩

澤瀉半斤 芫薺半斤

右六味杵為散取方寸匕酒和三日服

潔地黃當歸湯治婦人有孕胎痛

當歸兩 熟地兩

右為末作一服水三升煎至一升半去渣頓服之

仲婦人腹中痛小建中湯主之方見虛勞

雲芎歸湯治妊娠先患冷氣忽心腹痛如刀刺

川芎 人參 茯苓 桔梗

吳茱萸 當歸各一兩 厚朴制 芍藥各二兩

右咬咀以水九升煎取三升分三服氣下即安

丹孫院君因近喪冒惡氣傷胎肚痛手不可近發熱口中

不思食須安胎散滯氣

虛

診

寒

熱

青皮錢三

黃芩

芍藥各二錢

歸尾半錢

川芎錢一

木香五錢

甘草少

分二貼水三盞先煎芎根二大片至二盞去芎根入前藥同煎至一盞熱服

診
大治妊娠腹痛用生地黄三斤搗汁酒一升合煎減半頓服愈

脉師曰婦人有胎腹痛其人不安若胎病不動欲知生死令人摸之如覆杯者則男如肘頸參差起者女也冷在何面冷者為死温者為生

產後腹痛

敗血寒

大黑神散治產後惡露不盡心胃痞滿膈腹撮痛汚血諸疾方見婦人產後

挾熱

丹產後三日血塊痛發熱

醫學綱目卷五

五

五靈脂炒

牡丹皮

沒藥

滑石

右研細分五貼豆淋酒下之食前

挾虛

馮宅產後發熱腹中痛有塊自汗惡寒曾服黑神散

白朮

芍藥錢三

滑石五錢

黃芩二錢半

牡丹皮二錢半

人參

川芎

歸尾

陳皮

荊芥各一錢

乾姜一錢

甘草些

汚血清

雲捲荷散治產後血上衝心血刺血暈腹痛惡露不快

初出捲荷 紅花

當歸各二兩

蒲黃炒

牡丹皮各半兩

右為細末每服三錢空心温酒調下一碗或用童便調

下妙

大治血痲痛無定處

童便升三

生地汁

生藕汁各一升

生姜汁二升

右先煎三味約三分減二次下姜汁慢火煎如稀錫每取一合溫酒調下

治兒枕痛乃血瘀也用真蒲黃研細調服二錢如燥渴者用新汲水調下

重劑

丹治產後兒枕大痛黑白散

烏金石醋煨七次另研

寒水石煨存性為末

右各收之服時各抄一錢半米飲調下痛止勿服未止

再服

輕劑

海四物加玄胡沒藥白芷湯治產後敗血作痛方見婦人門

四物苦練湯方見腹痛

一方治臍下痛不可忍四物湯加玄

胡索二錢半服之

大紫金丸治產後臍下痛即失笑散醋為丸是也五靈脂為末

分醋丸服

醫聖綱目卷三十一

二

立効散治產枕痛不可忍用五靈脂慢火炒令乾為末二

錢溫酒下立瘥產枕即血枕也

丹產後惡露未盡小腹作痛

五靈脂

香附末

右合和醋為丸甚者入留尖桃仁一方加蛤粉

大治產後血不盡血痛悶方取敗荷葉燒作灰暖水和服

糞汁服亦良 又方取亂髮如雞子大灰汁洗淨燒為末

酒調服二錢 治產後血痕腹痛及喉痺熱因寒用鐵稱

錘煨令通赤焯酒中候溫飲之丹溪法用焯醋中使臭聞其氣妙

仲產婦脇痛法當以枳實芍藥散假令不愈者此為腹中

有乾血着臍下宜下瘀血湯主之亦主經水不利

大黃二兩

桃仁二十枚

蟅虫二十箇炒去足

右三味為末煉蜜和為四九以酒一升煎一丸取八合

美劑

頓服之新血下如豚肝

雲又方療產後血結下不盡腹中絞痛不止

大黃

另浸

生地

當歸

各二兩半

川芎

芍藥

桂心

甘草

黃芩

各二兩

桃仁

四十九箇制

右切細以水七升煮取二升半大黃更煎一二沸分三

服

桂心丸治產後血氣不散積聚成塊上攻心腹或成寒熱

四肢羸瘦頭痛

青皮

乾漆

炒烟尽各七錢

沒藥

檳榔

當歸

桂心

赤芍

牡丹皮

各五錢

大黃

桃仁

夫皮尖

蘇甲

酥炙

厚朴

制

三稜

煨

玄胡索

各一兩

醫學綱目卷三

七

右為細末煉蜜丸如桐子大每服三四十九丸溫酒下

保治血暈血結或聚於胃中或偏於小腹或連於脇肋四

物湯四兩倍當歸川芎加鬼箭紅花玄胡各一兩同為粗

末加四物煎調沒藥散服之

蛭虫

一錢去翅足炒

水蛭

一錢炒

麝香

少

沒藥

右為末入前藥調服血下痛止只服一服

仲產後腹中疼痛當歸生姜羊肉湯主之

方見產後血弱

衍一婦人產當寒月寒氣入產門臍下脹滿手不得犯此

寒疝也醫將治之以抵當湯謂其有瘀血也予教之曰非

其治也可服張仲景羊肉湯少減作二服遂愈

仰內補當歸建中湯治婦人產後虛羸不足腹中刺痛不

止吸吸少氣或苦少腹中急痛引腰背不能飲食產後一

月日得服四五劑為善令人強壯

虞

當歸兩四

桂枝兩三

芍藥兩兩

生姜兩三

甘草兩二

大棗枚十二

右六味以水一斗煮取三升分溫三服一日令盡若大
虛加飴糖六兩湯成內於火上煖令飴消若去血過多
崩傷內衄不止加地黃六兩阿膠二兩合八味湯成內
阿膠服之

雲產後六七日忽然臍腹痛皆因呼吸冷氣乘虛入客於
血分宜服當歸建中湯方見上

天獨聖湯治產後腹痛當歸為末每服二錢水一盞煎至
七分溫服

雲治產後惡物不盡腹內疼痛產後常服此妙

生地

當歸

並畧炒各一兩生薑五錢細切煎

右為細末姜酒調二錢服

入醫墨綱目卷三

六

天治產後血塊痛

熟地斤

陳生薑斤

右拌勻同炒乾為末每服一錢酒調產後以烏梅湯下
之

實

仰產後腹痛滿不得便以枳實芍藥散主之

枳實

燒令黑勿太過

芍藥研末

右二味杵為散服方寸匕日三服并主癰膿以麥粥下
之

條 產後腹痛服枳實芍藥散不愈者宜下瘀血湯主之方見

仰產後七八日無太陽症少腹堅痛此惡露不盡不大便

煩燥發熱日晡時煩燥者不食食則讖語至夜即愈宜大

承湯主之熱在裏結在膀胱也方見傷寒大承氣湯

雜方
藥忌

山兒枕痛用隔年蟹壳燒灰酒下

丹局方五積散治產後餘血作痛以蒼朮為君麻黃為臣厚朴枳實為使雖有當歸芍藥之補血僅及蒼朮三分之一不思產後之婦有何寒邪血氣未充似難發汗借曰藥性溫和可以推陳致新豈可用麻黃之悍附以蒼朮枳朴之散乎虛而又虛禍不旋踵矣

針灸

產後血塊痛三陰交氣海宜灸

腸鳴

寒熱

如胃寒泄瀉腸鳴於升陽除濕湯加益智仁五分半夏

五分生姜棗子和煎升陽除濕湯方見泄瀉

丹腹中水鳴乃火擊動其水也二陳湯加苓連梔子腹

虛實

中鳴者病本於胃也全文見水腫

腸鳴多屬脾胃虛一男子

腸鳴食少臍下有塊耕動若得下氣多乃已已則復鳴醫

入醫學綱目卷三

九

用疎氣藥與服半年不効予用參朮為君甘草連參枳乾姜為臣一貼腸鳴止食進又每服吞厚朴紅苘丸其氣耕亦平經云脾胃虛則腸鳴腹滿又云中氣不足腸為之苦鳴此之謂也

肺移寒於腎為漏水漏水者按之腹不堅水氣客於大腸疾行則鳴濯濯如囊裹水漿之聲也全文見瘵病傳變

河葶藶丸治涌水疾行則腹鳴如囊裹水漿之聲

葶藶隔紙炒

澤瀉

椒目

桑白皮

杏仁

猪苓去黑皮各五錢

右為末煉蜜丸桐子大每二十九葱白湯下不拘時以利為度

運氣

運氣腸鳴有二

一曰土發經云土鬱之發腸鳴而為數後是也

二曰熱勝經云少陰在泉熱淫所勝病腹中腸鳴氣上衝
曾治以鹹寒是也

針灸
針灸腸鳴有三法

其一補脾經云脾虛則腹滿腸鳴飧泄食不化取其經太
陰陽明少陰血者是也

其二補足太陽經云中氣不足腸爲之苦鳴補足外踝下
留之五分申脉穴也

其三取太陽經云腸中雷鳴氣上衝曾邪在大腸刺盲之
原巨虛上廉三里是也

甲腹中常鳴時上衝心灸臍下 腹中腸鳴盈然食不
化腸痛不得臥煩熱泄糜不嗜食曾脇措滿喘息而衝鬪
嘔心痛及傷飽身黃骨瘦蠱章門主之 腸鳴相逐不可
傾倒承滿主之 腸鳴而痛溫留主之 飲食不下腹中

醫學綱目卷三

干

雷鳴大便不節小便赤黃陽綱主之

嘔吐膈氣總論

大法
吐分三焦

論曰吐有三氣積寒也皆從三焦論之上焦在胃口上
通天氣主內而不出中焦在中脘上通天氣下通地氣主
腐熟水穀下焦在臍下下通地氣主出而不納是故上焦
吐者皆從於氣氣者天之陽也其脈浮而洪其症食已暴
吐渴欲飲水大便燥結氣上衝曾而發痛其治當降氣和
中中焦吐者皆從於積有陰有陽食與氣相假爲積而痛
其脈浮而弦其症或先痛而後吐或先吐而後痛治法當
以小毒藥去其積檳榔木香和其氣下焦吐者皆從于寒
地道也其脈大而遲其症朝食暮吐暮食朝吐小便清利
大便秘而不通治法宜毒藥通其閉塞溫其寒氣大便漸
通復以中焦藥和之不令大腑結閉而自安也

右案古論三焦吐其說蓋本於黃帝所謂氣爲上膈食
飲入而還出爲下膈食晬時乃反出之其上焦食已暴
吐者今世謂之嘔吐也中下二焦朝食暮吐暮食朝吐
者今世謂之膈氣反胃也分嘔吐膈氣爲二門

嘔吐 吐 乾嘔 惡心 嘔苦水 吐酸吞酸
嘔吐清水 嘔沫 嘔膿 嘔吐虫 吐利

關格

嘔吐噦
分三陽

垣夫嘔吐噦者俱屬於胃胃者總司也以其氣血多少爲
異耳且如嘔者陽明也噦明多血多氣故有聲有物氣血
俱病也仲景云嘔多雖有陽明症慎不可下孫真人云嘔
家多服生姜乃嘔吐之聖藥也氣逆者必散之故以生姜
爲主吐者太陽也太陽多血少氣故有物無聲乃血病也
有食入則吐有食已則吐以陳皮去白主之噦者少陽也

醫學綱目卷三

主

少陽多氣少血故有聲無物乃氣病也以姜製半夏爲主
故宋奉議治嘔吐噦以生姜半夏陳皮之類是也究其三
者之源皆因其脾胃虛弱或因寒氣客胃加之飲食所傷而
致也宜以丁香藿香半夏茯苓陳皮生姜之類主之
按噦實指吃逆今先賢誤釋爲乾嘔者非也 若但有內傷而有此疾宜察其虛實
使內消之痰飲者必下之當分其經對證用藥不可亂也

嘔有物
嘔有聲

未實者
辛瀉

仲諸嘔吐穀不得下者小半夏湯主之

嘔家本渴渴者爲欲解今反不渴心下有支飲故也小半
夏湯主之用半夏一升生姜半斤以水七升煮取一升半
分溫再服

卒嘔吐心下痞腸閉有水眩悸者小半夏加茯苓湯主之

半夏一升

生姜半斤

茯苓三兩
法四兩

右三味以水七升煮取一升半分溫再服

陳皮湯治嘔方見乾嘔

孫治嘔吐以白檳榔一枚煨陳皮十分炙剉為末水一煎半盞服之

右姜半橘治嘔吐必用之聖藥然東垣云辛藥生姜之類治嘔吐但治上焦氣壅表實之病若胃虛穀氣不行胃中閉塞而嘔者惟宜益胃推揚穀氣而已勿作表實用辛藥瀉之

胃虛者甘益

仲胃反嘔吐者大半夏湯主之服前小半夏湯諸湯不愈者服此立愈

半夏二升洗 人參三兩 白蜜一升

右三味以水一斗三升和蜜揚之二百四十遍煮藥取三升溫服一升餘分再服

李絳療反胃嘔吐無常粥飲入口即吐困倦無力垂死者

八醫學綱目卷五

五

以上黨人參三大兩劈破水一大升煮取四合熱頓服

丹久病嘔者胃虛不納穀也

生姜 人參 黃芪 白朮

香附

胃虛有寒嘔吐者東垣丁香茱萸黃湯仲景理中湯皆益胃推揚穀氣之劑也方見寒條

大便不通者利之

垣若陰虛邪氣逆上室寒嘔噦不足之病此地道不通也

穀氣久虛者食飲利之

甘草以補其氣微加大黃芒硝以通其閉大便利邪氣去則氣逆嘔噦自不見矣 復有胃中虛熱穀氣久虛發而

為嘔噦者但得五穀之陰以和之則嘔噦自止五穀皆屬陰或食或飲白湯或喜涼者飲凉水皆能止嘔噦不必用藥也

痞者治

仲嘔而腸鳴心下痞者半夏瀉心湯主之方見傷寒

垣加減二陳湯治痰飲為患或嘔噦惡心或頭眩心悸或中脘不快或發為寒熱或因食生冷脾胃不和並宜治之

丁香一兩 半夏五兩 陳皮五兩 茯苓二兩

甘草半兩

右咬咀每服四錢水一盞半生薑三片烏梅一箇同煎至七分去查熱服無時或治痰痞加草荳蔻麝煨熟

一兩半

藿香安胃散治脾胃虛弱不飲食嘔吐不時

藿香半錢 丁香二錢 人參錢 橘紅五錢

右件四味為細末每服二錢水二盞生薑三片同煎至

一盞去查服食前

垣丁香吳茱萸湯治嘔吐噦胃寒所致

丁香五分 吳茱萸 草荳蔻 人參各一錢

本草綱目卷三

三

甘草五分 黃芩錢 柴胡五分 升麻七分

茯苓五分 當歸錢 蒼朮錢 半夏五分

乾姜五分

右為細末每服半兩水二盞煎至一盞去查熱服食前

忌冷物

世藿香平胃散治嘔吐不止

藿香兩 半夏兩 陳皮去白二兩 厚朴一兩

蒼朮三兩 甘草二兩

右為粗末每服五錢水一盞半生薑三片棗三枚同煎

去查溫服

羅紅荳丸諸藥不愈者神效方見扁氣寒條

杜安業坊有閻氏家老婦人患嘔吐請石秀才醫曰胃冷

而嘔下理中丸至百餘丸其病不愈石疑此患君杜至曰

藥病正相投何必多疑石曰何故藥相投而病不愈杜曰寒氣甚藥力未及更進五十九丸必愈如其言果愈石於是師法於杜

海理中湯加減例

理中湯方甘草人參白朮乾姜各等分

若爲寒氣濕氣所中者附子一兩名附子理中湯 若霍亂吐瀉者加橘紅青橘皮各一兩名治中湯 若乾霍亂心腹作痛先吃鹽湯少許頓服嘔吐出令透卽進此藥 若嘔吐者於治中湯內加丁香半夏一兩生姜十片 若泄瀉者加橘紅茯苓各一兩名補中湯 若泄瀉不已者於補中湯內加附子一兩不喜飲食水穀不化者再加炒砂仁一兩共成八味 若霍亂吐下心腹作痛手足逆冷於本方中去白朮加熟附名四順湯 若傷寒結胃先以桔梗枳殼等分煎服不愈者及吐

八醫學綱目卷三

言

利後胸痞欲絕心膈高起急痛手不可近者加枳實茯苓各一兩名枳實理中湯 若渴者但於枳實理中湯內加瓜蒌根一兩 若霍亂後轉筋者理中湯內加石膏一兩煨 若臍下築者腎氣動也去朮加官桂一兩 腎惡燥故去朮恐作奔豚故加官桂 若悸多者加茯苓一兩 若渴欲飲水者加朮半兩 若苦寒者加乾姜五錢 若腹滿者去白朮加附子一兩 若飲酒過多及啖炙煖熱食發爲鼻衄者加川芎一兩 若傷胃吐血以此藥能理中脘分利陰陽安定血脈只用本方 若中附子毒者亦用此方或止用甘草生姜等分煎服或以烏頭煎湯解之

仲嘔而胃滿者吳茱萸湯主之

方見傷寒吐

嘔而脉弱小便

復利身有微熱見厥逆者四逆湯主之

方見傷寒下利

杜王普侍郎病嘔飲食皆不得進召孫數日亦不愈後復召杜杜曰治嘔愈嘔此胃風也遂用川烏一兩淨洗去皮臍不去尖以漿水一碗煮乾每箇作兩片復用漿水一碗煮盡更作四片每細嚼一片以少溫水下少頃嘔遂止痛既少息杜遂問曰尋常好吃何物曰好吃甘甜之物杜曰是甘甜乃膏粱之物積久成熱因而生風非一朝一夕之故也王服其說

痛而嘔爲寒經云寒氣客於腸胃厥逆上出故痛而嘔者是也

熱

丹嘔吐胃中有熱膈上有痰二陳湯加炒梔子黃連生姜主之此方累試效

仲嘔而發熱者小柴胡湯主之

方見往來寒熱

瀉用小柴胡湯加青黛以姜汁打糊爲丸名青鎮丸治嘔

醫學綱目卷五

五

吐脈弦頭痛蓋本諸此

本治胃熱嘔以竹茹湯

乾葛錢三

甘草錢二

半夏三錢姜汁半盞藥水一升麥粒半

右末每服五錢水一盞姜三片竹茹一彈大棗一枚同煎至一盞去渣溫服

有熱者手足心熱政和年有京人病傷寒得汗身涼數日忽嘔吐藥與飲食俱不下醫者皆進丁香藿香滑石等藥下咽卽吐予曰此正汗後餘熱留胃脘孫兆竹茹湯正相當爾治藥與之卽時愈良方中槐花散亦相應

定嘔吐利膈枇杷散

枇杷葉

去毛味苦平下氣

人參各一錢

茯苓錢五

茅根二

半夏錢一

右細剉每服四錢水一盞半生姜七片慢火煎至七分

去查入檳榔末五分和勻服之

仲嘔吐而病在膈上後思水解急與之思水者猪苓散主之

猪苓 茯苓 白朮各等分

右三味杵為散飲服方寸匕日三服

仲景云嘔吐思水解者急與之予長男每嘔水三二碗諸藥不効但吃井花水一口即住用白朮茯苓湯服愈信知先賢不誣也

本治卒嘔吐不止不欲食煮枇杷葉汁飲之止渴偏理嘔

丹婦人月經時口渴吃水多心痞善嘔不食

白朮二錢 陳皮二錢 山梔炒 木通

黃芩各一錢 炙甘草些

大醫學綱目卷三十一 姜

分二貼水二盞煎小盞入姜汁熱飲之

本治產後嘔不止者香靈丸

丁香 辰砂另研各六分 五靈脂一錢

右香脂先研末後入砂再研勻用狗膽或猪膽丸如雞頭大每服一九生薑陳皮湯磨下

臧腑 諸痿喘嘔皆屬於上全文見診

素太陰所謂食則嘔者物盛滿而上溢故嘔味解篇

辛散 辛散逆氣諸方用姜半橘之類並見上連條

廣治嘔逆不能食訶黎勒皮二兩去核搗為末煉蜜和丸

梔子大空心服二十九日二服

酸收 食木瓜主嘔哕風氣又吐而轉筋煮木瓜汁飲之甚良

吐脚氣 世若病人直患嘔吐而復脚弱或疼乃是脚氣當作脚氣治之

汚血

運氣 運氣嘔吐有四

一曰火熱經云少陰司天熱氣下臨嘔逆躁煩又云少陽所至爲嘔涌又云少陽之復嘔逆又云火鬱之發嘔逆治以鹹寒甘寒是也

二曰風經云厥陰在泉風淫所勝病食則嘔又云厥陰司天風淫所勝食則嘔又云厥陰之勝甚則嘔又云厥陰之復嘔吐飲食不入而復出甚則入脾食痺而吐治以辛涼甘清酸清是也

三曰風火經云少陽司天之政風熱參布民病嘔吐二之氣病熱鬱於上欬逆嘔吐三之氣民病嘔又云太陽司天之政初之氣病見熱頭痛嘔吐治以酸寒辛寒鹹寒是也四曰濕經云陽明司天之政初之氣其病嘔又云土鬱之發甚則心痛脚腫嘔吐是也

針灸

鍼灸嘔吐取法有二

入醫學綱目卷三

三七

其一取脾經云脾足太陰之脈是動則病食則嘔視盛虛熱寒陷下取之也

其二取肝經云肝足厥陰之脈所生病者胃滿嘔逆視盛虛熱寒陷下取之也

嘔嘔盛無度并乾嘔 太陵 間使
扁嘔逆 中腕 尺澤

膈胃中痰飲霍亂驚悸腹脹暴痛恍惚吐逆不食 巨闕

六三里 愈

肝脉緩爲善嘔 全文見診虛實法

禁忌

垣孫真人言生姜爲嘔家聖藥謂上焦氣壅表實之病而言非以瀉氣而言之也若脾胃虛弱穀氣不行榮衛下流是中氣不利清氣津液不上胃中閉塞氣道不開亦令人

穢惟宜益胃推揚穀氣而已勿作外實以辛藥生姜之類瀉其壅滯及妄以瀉氣瀉血藥下之則轉增閉塞疼痛或變作結胸復下其膈由此致危者多矣蓋氣已虛而反瀉之是重瀉其氣必胸中如刀削之痛與正結胃無異可不慎哉

丹嘔吐煎藥忌瓜萋杏仁桃仁蘿蔔子山梔皆要作吐丸藥中帶香藥行散不妨 注船大吐渴飲水者卽死童便最好

吐有物無声

上焦禁

潔治上焦氣熱上衝食已暴吐脈浮而洪宜先降氣和中

桔梗湯

桔梗半兩 白朮半兩

半夏麩兩

陳皮去白

枳實炒

茯苓

厚朴各一兩

醫聖綱目卷三

芩

右粗末每服一兩水一盞煎至七分取清溫調木香散二錢隔夜空腹服之。三服後氣漸下吐漸去然後去木香散加芍藥二兩黃芩一兩半同煎服之病愈則止如大腑燥結食不盡下以大承氣湯去硝微下之少利爲度再服前藥補之如大便復結又依前微下之

木香散 木香 檳榔等分

右爲細末同煎藥調下

保治暴吐上焦氣熱所衝也經曰諸嘔吐酸暴注下迫皆屬于火脈洪而浮者荊黃湯主之

荊芥兩 人參錢五 甘草二錢半 大黃二錢

右粗末作一服水二盞煎至一盞去渣調檳榔散二錢空心服之

檳榔散

檳榔二錢

木香半錢

輕粉許少

右為細末同煎藥下如丸亦用水浸蒸餅為丸如小葶
大每服二十九食後服

李絳獨參湯治嘔吐胃弱欲死方見樞
胃虛條
仲大黃甘草湯治食已即吐又治吐水

大黃四兩 甘草一兩

右二味以水三升煮取一升分溫再服

潔金花丸治吐食而脈弦者由肝勝于脾而吐乃由脾胃
之虛宜治風安胃

半夏湯洗一兩 檳榔二錢 雄黃半錢

右細末姜汁浸蒸餅為丸如桐子大小兒另丸姜湯下
從少至多漸次服之以吐止為度風痰羈絆于脾故飲
食不下

八寶墨綱卷三

三九

治吐頭痛有汗脈弦青鎮丸主之

柴胡一兩 黃芩七錢 甘草 半夏三錢

青黛二錢 人參五錢

右細末姜汁浸蒸餅丸桐子大每服五十九丸姜湯食後
下

仲胃反吐而渴欲飲水者茯苓澤瀉湯主之

茯苓半斤 澤瀉四兩 甘草二兩 桂枝二兩

白朮三兩 生姜兩

右六味以水一斗煮取三升內澤瀉再煮取二升半溫
服八合一日三服

本食即吐欲作反胃白朮散

澤瀉 白朮 各等分 茯苓

右為末每服一錢湯調溫服

汚血

雜方

運氣

診

經治丈夫婦人吐逆連日不止粥食湯藥不能下者可以

五靈脂不夾土石揀精好者不計多少搗細末研狗膽汁

和為丸如雞頭大每服一九煎熟生姜酒磨細更以少生

姜酒化下凡湯藥令極熱須是先做下粥溫熱得所左手

與患人藥吃不得嗽口右手急將粥與患人吃不令太多

碧霞丸治吐逆立効黃丹四兩篩過用好米醋半升同藥

入銚內煎乾却用炭火三稱就銚內煨透紅冷取研細為

末用粟米飯丸如桐子大煎醇湯下七丸不嚼只一服

運氣吐皆屬風木經云厥陰之復甚則入脾食痺而吐又

云歲木太過風氣流行民病脇痛吐食治以酸清之類是

也

灸刺見前灸刺嘔吐條

脈陽緊陰數其人食已即吐陽浮而數亦為吐 寸緊尺

醫學綱目卷三

手

瀆其人胸滿不能食而吐 寸口脈數其人則吐 寸口

脈細而數數則為熱細則為寒數為嘔吐

仲問曰病人脈數數為熱當消穀引食而反吐者何也師

曰以發其汗令陽微膈氣虛脈乃數數為客熱不能消穀

胃中虛冷故吐也

乾嘔無物

散取者辛

仲乾嘔噦若手足厥者陳皮湯主之

陳皮四兩

生姜半斤

右二味以水七升煮取三升溫服一升下咽即愈

緩者

肘主卒乾嘔不息取甘蔗汁溫服半升日三又以生姜汁

一升服並瘥 治卒乾嘔不息搗葛根絞取汁服一升瘥

本草云生葛根汁大寒

惡心欲吐不吐

三服

療產後嘔吐不止

橘紅兩

半夏麴

甘草各五錢

藿香兩

右為細末每服三錢姜三片水煎

大開胃散治產後胃氣不和嘔吐不止全不納飲食

訶子肉半兩

人參一兩

甘草半兩

右三味為細末別以半夏半分生姜二分葱白二七莖

水二大盞煎至六分去渣分為二服

嘔苦水

濕

丹鄭宅如夫人清早嘔苦水脈澹而微起轉如常此胃弱而上脘有濕也

黃芩錢七

滑石半兩

蒼朮一兩

飛礬二兩

陳皮兩

山查兩

半夏兩

桔梗五錢

醫學綱目卷三

三

炒芩錢五

姜水煎服

針灸

刺灸嘔苦獨取膽與胃經云善嘔嘔有苦長大息邪在膽逆在胃膽液泄則口苦胃氣逆則嘔苦故曰嘔取膽三里以下胃氣逆則刺少陽血絡以開膽逆卻調虛實以去其邪又云口苦嘔宿汁取陽陵泉是也

運氣

運氣嘔苦皆屬燥經云陽明在泉燥淫所勝病善嘔嘔有苦又云陽明之勝嘔苦治以苦溫辛溫是也

吐酸吞酸

丹溪治本之熱

丹或曰吞酸素問明以為熱東垣又以為寒何也予曰吐酸與吞酸不同吐酸是吐出酸水如醋平時津液隨上升之氣鬱積而成積成積既久濕中生熱故從木化遂作酸味非熱而何其有鬱積之久不能自涌而出伏於脾胃之間略不得上嚙不得下肌表得風寒則內熱愈鬱而酸味

刺心肌表溫暖腠理開發或得香熱湯九津液得行亦可
暫解非寒而何素問言熱者言其本也東垣言寒者言其
末也但東垣不言外得風寒而作收氣立說欲瀉肺金之
實又謂寒藥不可治酸而用安胃湯加減二陳湯俱犯丁
香且無治熱濕鬱積之法爲未合經意予嘗治吞酸用黃
連茱萸各製炒隨時令迭爲佐使蒼木茯苓爲輔湯浸蒸
餅爲小丸吞之仍教以糲食蔬果自養則病易安 吞酸
用吳茱萸順其性而折之此反佐之法也必須以炒黃連
爲君

咽醋丸

茱萸

去枝梗半兩 煑晒乾

陳皮 去白五錢

黃芩 炒五錢

蒼木

七錢 陳壁泥同炒

一兩 細切用

右爲細末麩糊丸桐子大

醫學綱目卷三

重

參萸丸可治吞酸不可治自利 方見泄瀉

兵部手集治酸心每醋氣上攻如酸醋茱萸一合水三盞

煎七分頓服總濃亦強服

梅治酸心枳椇四兩陳皮二兩細搗爲末空心生蜜湯下

方十七

西丈夫因外感涼氣與宿飲相搏心下酸感嘔清水後有

紅

青皮 三錢

黃芩 半錢

人參 二錢

紫蘇

木通

甘草

枳殼 錢

桔梗 半錢

麻黃 分五

東垣治木之寒

疴病機云諸嘔吐酸皆屬於熱辨云此上焦受外來客邪

也胃氣不受外邪故嘔傷寒論云嘔家雖有陽明症不可

攻之是未傳入裏三陰不受邪也亦可見此証在外也仲

景以生姜半夏治之孫真入云嘔家多用生姜是嘔家聖藥以禱病論之嘔吐酸水者甚則酸水浸其心不任其苦其其酸水令上下牙酸清不能相對以大辛熱劑療之必減吐酸嘔出酸水也酸味者收氣也西方肺金旺也寒水乃金之子子能令母實故用大鹹熱之劑瀉其子以辛熱爲之佐以瀉肺之實以病機之法作熱攻之者悞矣蓋雜病醋心濁氣不降欲爲中滿寒藥豈能治之乎

加減二陳湯 藿香安胃散 二方並見前嘔吐痰飲門

濕飲

本予平生有二疾一則下血二則膈中停飲下血有時而止停飲則無時始因年少時夜坐爲文左向伏几案是以飲食多墜向左邊中夜以後稍困乏必飲酒二三盞既臥就枕又向左邊側睡氣壯盛時殊不覺三五年後覺酒止從左邊下瀉漉有聲脇痛飲食外減十數日必嘔數升酸

八醫學綱目卷三

三四

水暑月止是右邊身有汗漿漿常潤左邊病處絕燥遍訪名醫及海上方服之少有驗者間或中病止得月餘復作其補如天雄附子礬石其利如牽牛甘遂大戟備嘗之矣予後揣度之已成瘕囊如潦水之有科臼不盈科不行水必盈科而行也清者可行濁者依前停蓄蓋下無路以出之也是以積之五七日必嘔而去稍寬數日復作脾土惡濕而水則流濕莫若燥脾以勝濕崇土以堆科臼則疾當去矣於是悉屏諸藥一味服蒼朮三月而除自此後一向數年不吐不嘔胃膈寬飲啖如故暑月汗周體而身涼飲亦從中下前此飲漬其肝目亦多昏眊其後燈下能書細字皆蒼朮之力也其法蒼朮一斤去皮切末之用白芝麻半兩水二盞研搗取汁大棗十五枚爛煮去皮核研以蘇汁勻研成稀膏搜和入柏熟杵丸如桐子大乾之每日空

腹溫湯吞下五十九粒加至一百九二百九忌桃李雀鴿初服時必膈微燥且以茅末製之覺燥甚再進山梔子散一服久之不燥也予服半年以後止用燥烈味極辛者削去皮不浸極有力亦自然不燥山梔散用山梔一味乾之爲末沸湯點服故知久坐不可伏向一邊時或運動亦調息之法

治酒癖停飲吐酸水乾姜丸

聖惠方

乾姜

葛根

枳殼

橘紅

前胡各五錢

白朮

半夏麴各一兩

茱萸

甘草各一分

右細末煉蜜丸如桐子大每服三十九用米飲服有効

治中風痰涎飲眩暈嘔吐酸水頭痛惡心

半夏二兩

南星

白附各一兩

醫心方卷三十一

三五

右並生爲末滴水丸如桐子大以生麵裹衣陰乾每服

十九至二十九生薑湯下

子和棠溪張鳳村一田叟姓楊其病嘔酸水十餘年本雷飲諸醫皆以燥劑治之中脫臍胎以火艾燔鍼刺之瘡未嘗合戴人以苦劑越之其涎如膠乃出二三升談笑而愈運氣吐酸皆屬於熱經云諸嘔吐酸皆屬於熱又云少陽之勝欲嘔嘔酸治以辛寒是也

針灸 東吐宿汁吞酸 章門 神元

嘔吐清水

濕飲 本一味蒼朮丸治嘔吐清水如神

方見吐酸濕條

仲茯苓飲治心胃中有停痰宿水自吐出水後心胃間虛氣滿不能食消痰氣令能食

茯苓

人參

白朮各三兩

枳實二兩

陳皮五錢 生姜兩

右六味水六升煮取一升八合分溫三服如人行八九里進之

丹盛兄兩手麻弦飲後嘔清水

神麴 蒼朮 香附各五錢 益元散兩

半夏七錢

右為末姜汁浸蒸餅為丸

仲渴欲飲水水入則吐者名曰水逆五苓散主之方見傷寒

火毒

丹施上年四十因灸艾火太多病腸內下血糞肚痛今痛自止善嘔清水食不下宜清胃口之熱

黃芩五分 陳皮 地黃各一錢 白朮一錢

連翹半錢 甘草 茯苓五分 生姜三片

寒

干治痰飲水吐無時節者其源因冷飲過度遂令脾胃氣

入醫學綱目卷三 三六

羸不能消於飲食飲食入胃則皆變成冷水反吐不停皆赤石脂散主之赤石脂一斤搗篩服方寸匕酒飲時稍加至三七服盡一斤終身不吐痰水又不下痢補五臟令人肥健有人痰飲服藥不愈用此方愈

運氣

運氣嘔吐清水有二

一曰濕經云太陰之復嘔而密默唾吐清液治以甘熱是也

二曰寒經云諸病水液澄澈清冷皆屬於寒是也

嘔沫

寒

仲乾嘔吐逆吐涎沫半夏乾姜散主之

半夏 乾姜各等分

右二味杵為散取方寸匕漿水一升半煎取七合頓服之

射炙

乾嘔吐涎沫頭痛者吳茱萸湯主之傷寒
婦人吐涎沫醫反下之心下即痞當先治其吐涎沫小青
龍湯主之涎沫止乃治痞瀉心湯主之

診

刺灸嘔沫獨取手太陰經云手太陰厥逆虛滿而欬善嘔
沫治主病者是也

嘔膿

仲嘔家有癰膿不可治嘔膿盡自愈

全文見虛實法
經云急者多寒

雜方

丹吐虫黑錫炒成灰楨榔末米飲調下

嘔吐虫

仲虺厥者當吐虺今病者靜而復時煩此為臍寒虺上入
膈故煩須臾復止得食而嘔又煩者虺聞食臭出其人當
自吐虺 虺厥者烏梅丸主之又主痢方見傷寒
厥陰論

醫學綱目卷五

三

射炙

刺灸嘔虫獨取胃經云胃欬之狀欬而嘔嘔甚則長虫出
取胃三里是也

診

脈關上脈微浮積熱在胃中嘔吐虺虫心健忘

仲病人有寒復發汗胃中冷必吐虺

吐利

成無已云若止嘔吐而利經云謂之吐利是也上吐下利
躁擾煩亂乃謂之霍亂其與但稱吐利者有異也蓋暴於
旦夕者為霍亂可數日久之者為吐利今以暴為霍亂者寓
於傷寒吐利門徐而日久者入此門

寒

海上吐下瀉不止當渴而反不渴脈微細而弱者理中湯

主之方見
傷寒

濕熱

丹泄瀉或嘔吐六一散生薑汁湯調

丈夫因辛苦發熱腰腳痛吐瀉交作

白木

滑石

陳皮各二錢

木通

柴胡半錢

人參一錢

甘草五分

運氣

脈心乘肝必吐利

運氣吐利有二

一曰風木經云厥陰所至為嘔泄又云木太過曰發生發

生之紀上徵則氣逆其病吐利是也

二曰寒水經云水太過曰流行流行之紀其動漂泄沃涌

是也漂泄謂泄利沃涌調吐沫也

欬嘔腹痛且發泄其脈絕是逆也全文見診生死

脾診

仲乾嘔而利者黃芩加半夏生姜湯主之

黃芩三兩

甘草炙二兩

芍藥三兩

半夏半斤

生姜四兩

大棗二十箇

右六味以水一斗煮取三升去滓溫服一升日再夜一

入醫學綱目卷三

三一

服

黃芩湯治乾嘔下利

黃芩二兩

人參

乾姜各三兩

桂枝一兩

大棗十二箇

半夏半斤

右六味以水七升煮取三升溫分三服

風痰

鑿水煑金花丸治有痰而泄痢不止甚則嘔而欲吐利下

而不能食由風痰羈絆脾胃之間

半夏一兩

天南星一兩

天麻半兩

寒水石燒存性一兩

雄黃半錢

白麵四兩

右為末滴水為丸桐子大每服百丸先煎漿水沸下藥

衰令浮為度漉出生姜湯下食前

關格

關者不得小便便格者吐逆上下俱病者也

寒熱

難邪在六腑則陽脈不和陽脈不和則氣留之氣留之則

陽脈盛矣和在五臟則陰脈不和陰脈不和則血留之血

留之則陰脈盛矣陰氣太盛則陽氣不得相營也故曰隔

陰盛陽不得營故十

關陽盛陰不得營故人迎陽氣太盛則陰氣不得相營也故曰

關格者不得盡其命而死矣三十

潔關則不得小便格則吐逆關者甚熱之氣格者甚寒之

氣是關無出之由故曰關也格無入之理故曰格也 寒

在胷中過絕不入熱在下焦填塞不便

雲陰陽易位病名關格胷膈上陽氣常在則熱為主病身

半已下陰氣常在則寒為主病寒反在胷中舌上白胎而

水漿不下故曰格格則吐逆熱在丹田小便不通故曰關

關則不得小便胷中有寒以熱藥治之丹田有熱以寒藥

八 醫學綱目卷五

三

治之若胷中寒熱兼有以主客之法治之治主當緩治客

當急尺寸反者死陰陽交者死關格者不得盡其命而死

矣

丹必用吐提其氣之橫格不必在出痰也 有痰以二陳

湯吐之吐中便有降 有中虛氣不運者補氣藥中升降

之

孫奉職趙令儀女忽吐逆大小便不通煩亂四肢漸冷無

脈凡一日半與大承氣湯一劑至夜半漸得大便通脈漸

和翌日乃安此關格之病極為難治垂死而活者惟此一

人耳

孫治大小便不通關格不利燒皂角細研粥飲下三錢立

通

外關格脹滿大小便不通獨頭蒜燒熱去皮紙裹納下部

氣立通

診

仰寸口脈浮而大浮為虛大為實在尺為關在寸為格關則不得小便格則吐逆

脈下微本大者則為關格不通不得尿頭無汗者可治有汗者死成註云下微謂脈沉之而微也本大謂關後脈大也

膈氣 反胃 噎 咽喉噎塞 口開目眩

嘈雜

辨惑

丹局方治氣一門有曰治一切氣冷氣滯氣逆氣上氣用安息香丸丁沉丸大沉香丸蘇子丸勻氣散如神丸集香丸白沉香丸煨姜丸鹽煎散七氣散溫白丸生薑湯其治嘔吐膈噎也用五膈丸五膈寬中散膈氣散酒癘丸草豈薨丸撞氣丸人參丁香散其治吞酸也用丁香煎丸小理中丸其治痰飲也用倍朮丸消飲丸溫中化痰丸五套丸

醫學綱目卷三

早

且於各方條下或曰口苦失味曰噫酸曰舌澁曰吐清水曰痞滿曰氣急曰脇下急痛曰五心中熱口爛生瘡皆是明言熱症何為悉用熱藥夫周流於人之一身以為主者氣也陽往則陰來陰往則陽來一升一降無有窮已苟內不傷於七情外不感於六淫其為氣也何病之有今日冷氣滯氣逆氣上氣皆是肺受火邪氣得炎上之化有升無降薰蒸清道甚而至於上焦不納中焦不化下焦不滲展轉變為嘔為吐為膈為噎為痰為飲為反胃為吞酸夫治寒以熱治熱以寒此正治之法也治熱用熱治寒用寒此反佐之法也許味前方既非正治又非反佐此愚之所以不能無疑也謹按原病式曰諸病嘔吐酸皆屬於熱諸積飲痞滿中膈皆屬於濕諸氣逆衝上嘔涌溢食不下皆屬於火諸堅痞腹滯 癩吐腥穢皆屬於寒深契仲景之意

金匱要畧曰胃痺病背骨痛括萋薤白湯主之胃痺心痛
徹背背痛徹心瓜萋薤白半夏湯主之心下痞氣氣結在
胃脇下上逆搶心者枳實薤白栝萋桂枝湯主之嘔而心
下痞者半夏瀉心湯主之乾嘔而利者黃芩加半夏生薑
湯主之諸嘔吐穀不得入者小半夏湯主之嘔吐病在膈
上者猪苓湯主之胃反嘔吐者半夏參蜜湯主之食已卽
吐者大黃甘草湯主之胃反吐而渴者茯苓澤瀉湯主之
吐後欲飲者文蛤湯主之病似嘔不嘔似噦不噦心中無
奈者姜汁半夏湯主之乾嘔手足冷者陳皮湯主之噦逆
者陳皮竹茹湯主之乾嘔下痢者黃芩湯主之氣衝上者
皂莢丸主之上氣脈浮者厚朴麻黃湯主之上氣脈沉者
澤瀉湯主之火逆上氣者麥門冬湯主之心下有痰飲胃
脇支滿目眩茯苓桂木湯主之短氣有微飲當從小便出

醫學綱目卷三

三

之宜茯苓桂木甘草湯主之腎氣丸亦主之病者脈伏其
人欲自利利者反快雖利心下續堅滿者此爲留飲欲去
故也甘遂半夏湯主之病懸飲者十棗湯主之病溢飲者
當發其汗宜大青龍湯又宜小青龍湯主之心下有支飲
其人苦冒眩澤瀉湯主之支飲胃滿者厚朴大黃湯主之
支飲不得息葶藶大棗瀉肺湯主之嘔家本渴今反不渴
心中有支飲故也小半夏湯主之卒嘔吐心下痞膈間有
水眩悸者小半夏加茯苓湯主之假令瘦人臍下有悸者
吐涎沫而頭眩此水也五苓散主之心胃有停痰宿水自
吐出水後心胃間虛氣滿不能食消痰氣令能食茯苓飲
主之先渴後嘔爲水停心下此屬飲家半夏湯加茯苓主
之觀其微意可表者汗之可下者利之滯者導之鬱者揚
之熱者清之寒者溫之偏寒偏熱者反佐而行之挾濕者

淡以滲之挾虛者補而養之何嘗例用辛香燥熱之劑以火濟火實實虛虛咎將誰執或曰脈訣調熱則生風冷生氣寒主收引今冷氣上衝矣氣逆矣氣滯矣非冷而何吾子引仲景之言而斥其非然則諸氣諸欲諸嘔吐反胃吞酸等病將無寒症耶予曰五臟各有火五志激之其火隨起若諸寒爲病必須身犯寒氣口食寒物乃爲病寒非若諸火病自內作所以氣之病寒者十無一二或曰其餘痰氣嘔吐吞酸噎膈反胃作熱作火論治於理可通若病人自言冷氣從下而上非冷而何予曰上升之氣自肝而出中挾相火自下而出其熱爲甚自覺其冷非真冷也火極似水積熱之甚陽亢陰微故見此症冷生氣者出高陽生之謬言也若病果因於寒當以去寒之劑治之何至例用辛香燥熱爲方不知權變寧不誤人或曰氣上升者皆用

黑錫丹養正丹養氣丹等藥以爲鎮墜然服之者隨手得効吾子以爲熱甚之病亦將有悞耶予曰相火之外又有臟腑厥陽之火五志之動各有火起相火者此經所謂一水不勝二火之火斯火也出於天造厥陽者此經所謂一水不勝五火之火出於人欲二者之火相扇而動氣之升也隨火炎上升而不降孰能禦之今借丹劑之重墜而降之氣鬱爲濕痰丹性熱燥濕痰被劫亦爲暫開所以清快丹毒積久偏助狂火陰血愈耗其升愈甚俗人喜溫迷而不悟被此禍者滔滔皆是或曰丹藥之重欲降而升然如之何則可予曰投以辛涼行以辛溫制伏肝邪治以鹹寒佐以甘溫收以苦甘和以甘淡補養陰血陽自相附陰陽比和何升之有先哲治法其則不遠吾不贅及或曰諸氣諸飲與夫嘔吐吞酸膈噎反胃等症局方未中肯綮我知

之矣然則要畧之方果足用乎抑猶有未發者乎予曰天地之氣化無窮人身之病亦變化無窮仲景之書載道者也醫之良者引例推類可謂無窮之用借令畧有加減修合終難踰越矩度夫氣之初病也其端甚微或因些小飲食不謹或外冒風雨寒暑或內感七情或食味過厚偏助陽氣積成膈熱或資稟素實表密無汗或性急易怒陰火炎上以致津液不行清濁相干氣爲之病或痞或痛或不思食或噎噫腐氣或吞酸或嘈雜或膨滿不求本原便認爲寒遽以辛香燥熱之劑投之數貼暫得快然以爲神方仍前厚味不節將理不謹舊疾被劫暫舒濁液易於攢聚或半月或一月前病復作如此延蔓自氣成積自積成痰此爲痰爲飲爲吞酸之由也良工未遇謬藥已行痰挾汚血遂成窠囊於是爲痞爲痛爲嘔爲噎膈反胃之次第諸

醫學綱目卷三

里

症隆起飲食湯液泥滯不行滲道寒瀆大便或秘或溏下失傳化中焦愈停醫者不察猶執爲冷翻思前藥隨手得快至此賓主皆恨藥欠燥熱顯俟久服脾可以溫胃可以壯以奠一旦豁然之効不思胃爲水穀之海多血多氣氣清和則能受脾爲消化之官氣清和則能運今得香熱之藥偏助氣血沸騰其始也胃液凝聚無所容受其久也脾氣耗散傳化漸遲其有胃熱易飢急於得食脾傷不磨鬱積成痛醫者猶曰虛而積寒非尋常草木可療妄以烏附助佐丹劑專意服餌積而久也血液俱耗胃脘乾槁其槁在上近咽之下水飲可行食物難入間或可入入亦不多名之曰噎其槁在下與胃爲近食雖可入難盡入胃良久復出名之曰膈亦曰反胃大便秘小若羊屎然名雖不同病出一軀要畧論飲有六曰痰飲懸飲溢飲支飲留飲伏

飲分別五臟諸證治法至矣盡矣第恨醫者不善處治通者不守禁忌遂使藥助病邪展轉深痼去生漸遠深可哀憫或曰千金諸方治膈噎反胃未嘗廢姜桂等劑何吾子之多言也予曰氣之鬱滯久留清道非借香熱不足以行然悉有大黃石膏竹茹芒硝澤瀉前胡朴硝茯苓黃芩蘆根瓜蒌等藥為之佐使其始則同其終則異病邪易伏故易於安或曰胃脘乾槁者古方果可治乎將他有要捷之法或可補前人之未發者乎予曰古方用人參以補肺御米以解毒竹瀝以清痰乾姜以養血粟米以實胃蜜水以潤燥姜以去穢正是此意張雞峯亦曰噎當是神思間病惟內觀自養可以治之此言深中病情治法亦為近理夫噎病主於血乾夫血者陰氣也陰主靜內外兩靜則臟腑之火不起而金水二氣有養陰血自生腸胃津液傳化合宜何噎之有

翻胃

醫學綱目卷三

胃

大法丹
主瀉

丹翻胃卽膈噎大約有四血虛氣虛有熱有痰 治必用

童便竹瀝韭汁牛羊乳姜汁氣虛入四君子湯血虛入四

物湯加童便年少者四物湯清胃脘血血燥不潤故便瀉

年高者不治治必用參朮輩關防氣虛胃虛 一中年婦

人患反胃以四物湯加和白陳皮留尖桃仁生甘草酒紅

花濃煎入驢尿以防其或生虫也與數十貼而安 台州

一木匠年二十七勤於工作而性巧慧有一艾妻且喜酒

病反胃者半載其面白其脉瀼而不勻重取則大而弱小

便八九日方通一次糞皆燥結如羊屎甚羸之無力予謂

精血耗竭也先與甘蔗汁煎六君子湯加附子大黃與之

何大便稍潤令謝去工作臥於牛家取新溫牛乳細飲之

每頓盡一盃一晝夜可五六次以漸而至七八次其餘藥
果粥飯皆不入口半月而大便潤月餘而安然或口乾蓋
酒毒未解間飲甘蔗汁少許近兩月而安矣六君湯謂
木枳殼陳皮半夏
人參茯苓白
木枳殼陳皮半夏
各等分姜棗煎也 翻胃用韭汁二盞牛乳一盞生姜汁
半盞和勻溫服效別有方

秘主反胃朝食暮吐旋旋吐者以甘蔗汁七升生姜汁一
升二味相和分爲三服

丹杭州一男子四十餘歲患反胃兩月矣口乾而不喜飲
食有時不吐或吐則食物裹涎沫而出吐後胸膈方快其
脈俱瀆重則弦大蓋其壯年多服金石房中之藥所致時
正秋初尚熱遂令其多作竹瀝煮鶯粟米爲粥代粥飯與
之每啜一二口而止卻帶溫頻頻與之自此不吐至旬日
稍涼以流水作稀粥入少竹瀝與之時間以四物湯加陳
皮益其血月餘而安

醫學綱目卷五十一

聖

內經主
瀉積

食主脾胃氣弱食不消化嘔逆反胃湯飲不下粟米半升
研粉水和丸如桐子大煮令熟點少鹽空心和汁吞下
世治番胃吞酸錫糖查六兩生姜四兩研細和爲餅晒乾
每用餅十兩入甘草一兩爲末湯調下陳彥正服得効
陽蓄積病苑而陽氣當隔隔者當瀉不亟正治粗乃敗之
全文見
陰陽

隔則閉絕上下不通則暴憂之病也通評虛
實論

寒積
九
潔治中焦吐食由食積與寒氣相格故吐而疼宜服紫沉

- | | | | | | | | | |
|----|----|----|----|----|----|----|-----|-----|
| 半夏 | 麩 | 三錢 | 烏梅 | 去核 | 沉香 | 一錢 | 杏仁 | 去皮尖 |
| 砂仁 | 三錢 | 丁香 | 二錢 | 檳榔 | 二錢 | 木香 | 一錢 | |
| 陳皮 | 五錢 | 白芷 | 五分 | 白木 | 錢 | 巴菝 | 霜五分 | |

右細末入巴豆霜令勻醋糊為丸如黍米大每服五十九食後姜湯下愈則止小兒另丸 一法反胃吐食月

橘皮一箇浸少時去白裹生姜一塊麴裹封燒令熟去外麵煎湯下紫沉丸一百丸一日二服後大便通至

不吐則止此主寒積氣病機有代瀘石 肉界無白木
垣厚朴丸主霍胃吐逆飲食噎塞氣上衝心腹中諸疾其

藥味卽與萬病紫苑丸同

厚朴

蜀椒去目

川烏頭炮去皮各一兩半

紫苑

去土

吳茱萸湯洗

菖蒲

柴胡去苗

桔梗

茯苓

官桂

皂角去皮炙

乾姜炮

人參各二兩

黃連二兩

巴豆霜半兩

右為細末入巴豆霜勻煉蜜為劑旋旋丸如桐子大每服三九漸次加至五七九以利為度生姜湯下食後而

醫學綱目卷五

寒

臥此藥治効與局方溫白丸同及治處暑以後秋冬間下痢大効 春夏加黃連二兩 秋冬再加厚朴二兩 如

治風於春秋所加黃連厚朴外更加菖蒲茯苓各一兩半 如治風痛不愈者依春秋加藥外更加人參菖蒲

茯苓各一兩半 如心之積加菖蒲白茯苓為輔 如肝之積加柴胡蜀椒為輔 如肺之積加黃連人參為

輔 如脾之積加茱萸乾姜為輔 秋冬久瀉不止加黃連茯苓

保反胃大便不通者是腸勝胃也服局方半硫丸三十九大府秘用後藥

附子錢五

巴豆仁

砒許一豆

右末極細生姜糊丸葶苈大每服一九白湯下

治下焦吐食朝食暮吐暮食朝吐大便不通宜附子丸

附子炮五錢 砒研半錢 巴苴霜錢

右同研極細溶黃蠟為丸如桐子大每服一二九冷水送下利為度利後更服紫苑丸常服一丸勿令再閉

潔白木木香散治寒積氣嘔吐腹中痛是無積也胃強而乾嘔有聲無物脾強而吐食持擊強是以腹中痛當以此

藥和之

木香錢一 白朮兩半 半夏錢一兩 檳榔錢二

茯苓錢五 甘草錢四 丁香錢一

右為細末每服一二錢濃煎芍藥生薑湯調下有積者痛時手按之愈痛無積者按之不痛

白朮散治胃中虛損及痰而吐者

半夏錢五 白朮各一 木香各一 甘草各一

檳榔半錢 茯苓半錢

八醫學綱目卷三三 吳

右為細末每服二錢食前姜湯下

羅十膈氣散專治十般膈氣冷膈風膈氣膈伏膈熱膈悲膈水膈食膈喜膈皆病源也並因憂驚冷熱不調又乖將息更於喜怒無時貪嗜飲食因而不化積滯在膈上腸鳴痰嗽歲月漸深心胃噎塞漸至羸瘦久若不除必成惡候

人參 白茯苓 官桂 枳殼

炙甘草 神麩炒 麥芽炒 廣茂炮

白朮 陳皮去白 乾姜炮 京三稜煨

訶黎勒煨去杪已上各一兩 厚朴姜製 檳榔

木香已上各五錢

右為極細末每服一錢鹽湯點服如覺脾胃不和腹脹心胃滿悶用水一盞生薑七片枣二枚鹽少許同煎至

八分 and 查熱服空心食前

芫薹散治五種膈氣

肉苳薹去皮

五斤

木香

人參

厚朴

製姜

赤茯苓

皮

桂各半

甘草

炙半

枳榔

五

訶黎勒

青皮

各半

陳皮

去白

郁李仁

湯泡

去皮

尖炒黃

半兩

半夏

新瓦洗了

用生姜搗如泥

半兩

新瓦上文武火焙黃

五錢

右為極細末每服二錢入鹽少許如茶點服若人生姜
末同煎亦佳不拘時候能治氣補勞通血脈補脾胃去

痰實

辨積

本駢尿治反胃外臺載昔幼年經患此疾每食餅及羹粥
等須更吐出貞觀中許奉御兄弟及柴蔣等時稱名醫奉
勅令治醫竭其術竟不能療漸至羸德死在朝夕忽有衛
士云服駢小便極驗巨服二合後食唯吐一半晡時又服
二合人定時食粥吐即便定後奏知大內中五六人患反

胃同服一時俱瘥此藥稍有毒服時不可過多盛取尿熱

哭

服二合病深者日服之良駢本單云駢尿治癩瘕反胃又云駢尿性冷味甘

世又方駢尿調平胃散平胃散見津高

新瓦散治反胃用多年瓦一片燒紅入駢尿內碎廿一次
研為末倉米飯焦亦為末二分飯末一分瓦末蠟精和飯
丸以駢尿和平胃散服之吞下

丹番胃方

黃連

細切姜汁
慢炒三錢

山查肉

一錢

保和末

六錢

右粥九桐子大人參湯入竹瀝再煎沸熱下六十九

實積

羅人參利膈丸治胃中不利痰嗽喘滿利脾胃壅滯便秘

推陳致新治膈氣之聖藥也

木香

榔七錢

人參

當歸

枳實

大黃

浸酒

藿香

甘草

枳實

人參

當歸

大黃

浸酒

厚朴姜制各
兩

右為細末滴水為丸桐子大如難丸少加宿蒸餅和丸
每服三五十丸食後諸飲下

本大黃湯治冷涎番胃其候欲發時先流冷涎次則吐食
此乃勞託治不早死在旦夕用大黃一兩生姜自然汁半
茶盞灸大黃令燥又焯入姜汁中如此焯汁盡切焙為末
每服二錢陳米一撮葱白二莖水一大盞煎至七分先食
葱白次服其藥不十日去根

羅玄明粉朴硝不以多少煎過澄瀘五七遍晚於星月露
至明旦自然結成青白硝用一瓦礫按實炭火內煨從慢
至緊自然成汁煎至不響再加頂火一煨取出於爭地上
倒合盆去火毒至晚取出為細末每二斤入甘草末二兩
每用一錢二錢桃花湯或葱白湯調下治膈上氣壅滯五

醫學綱目卷三

聖

飲積

臍秘塞邪熱忌魚及藕

丹番胃積飲通用益元散生姜自然汁澄清白脚丸小丸

子時時服益元散方 翻胃治用茱萸 貝母 瓜萋

牛膝草

遇積

本治積聚停飲痰水生虫久則成反胃及變為胃癰其說
在靈樞及巢氏病源芫花丸

芫花醋炒 牛膝

狼牙根

桔梗炒

藜蘆炒

檳榔各半

巴豆十粒

右為細末醋糊為丸如赤苳大每服二三九加至五七
丸食前生姜湯下 此方常服化痰消堅殺虫予患飲

癖三十年暮年常多雜痰飲來潮遲即吐有時飲半杯
酒即止蓋合此症也因讀巢氏病源論酒痕云飲酒多
而食穀少積久漸瘦其病常欲思酒不得酒則吐多睡

不復能食是胃中有虫使然名為酒瘕此藥治之要之須禁酒即易治不禁無益也

海有楊時者因患風氣衝心飲食吐逆遍身枯瘦日服萬病紫苑丸五丸至二十日瀉出肉塊蝦蟆五六枚白膿二升愈又趙侍郎先食後吐目無所見耳無所聞服萬病紫苑丸五丸至十日瀉出青蛇五七條下惡膿三升方愈紫苑丸即前治反胃厚朴丸加羌活獨活防風是也乃磨積之劑

降火

世治番胃用蛔虫火煨為末肉汁調下諸逆衝上皆屬於火全診見文

世治番胃大白蠟不拘多少用新水養之待吐出泥澄去上清水後用米篩張地上却將皮紙鋪在灰上傾此泥於紙上候乾稠丸如桐子大每服三十九藿香湯下立愈仍將田螺放水如食之其病不安 治反胃多年壁土和

醫學綱目卷三

辛

香附子末米飲湯頻服之

本治反胃吐食

白礬兩

黃丹兩

右為末入瓦礮內煨令和取出以淨紙盛放地上盆蓋一宿再為末蒸餅丸如桐子每服五丸至七丸空心溫酒下更量老少虛實與之

寒濕

羅紅荳丸治諸嘔逆膈氣反胃

丁香

胡椒

砂仁

紅荳各十個

右為細末姜汁糊為丸如皂角子大每服一丸以大棗一枚去核填藥麵裹燒熟去麵細嚼白湯下食前進三服神效

丁香附子散治膈氣吐食

丁香兩

檳榔個

黑附一個半兩重炮去皮脂

硫黃去石

胡椒各二錢

右先將前四味爲末次入硫黃再研勻每服二錢用飛硫黃一箇去毛翅足腸肚填藥在內用濕紙五七重裹定置慢火內燒熟取出嚼吃後用溫酒送下一日三服不拘時候如不吃暈酒溫粟粥飲調下飛硫黃或云蠅翅本草無考

世六丁丸治番胃如神卽香靈丸方見嘔吐

本附子散治反胃用附子一枚極大者生於磚上四面着火漸漸逼熟焯入生姜自然汁中再用火逼再焯約盡生姜汁半碗焙乾入丁香二錢每服二錢水一盞粟米少許同煎七分不過三服瘵斗門方用粟米飲調下一錢服之又方治男婦小兒唇青面黃肚裏冷疼引牽小腹以至番胃換食嘔吐口苦舌乾少寤多寐脚手牽掣不拘年日遠近一切脾冷病悉能除愈有一婦人年四十餘久患番胃面目黃黑歷三十餘年醫不能効脾膈諸穴燒灸交遍其病愈甚服此藥七日頓然全愈服至一月遂去其根自是服之不三五服些小脾疾立便瘵平保全胃氣能生肌肉進飲食順榮衛常服大有補益累試累驗幸毋忽焉

人參一兩

茯苓白者二兩

附子七錢已上重者炮去皮臍

粉草一兩

黃芪一兩

鹽炙

右爲細末再服三大錢鹽湯煎服忌生冷油麪粘膩等毒物無不効者甚妙

重劑
繩桂香散治膈氣反胃諸藥難瘵朝食暮吐甚者食已輒出其効神速

水銀

黑錫各三錢

硫黃五錢

右三味銚內用柳木槌熬研微火上細研爲灰取出後用丁香末二錢桂末二錢生姜末三錢都一處研令勻

每服三錢黃米粥飲調下一服効甚者再服

右丁香附子例治番胃灼見臟腑有寒者服之丹溪云

治反胃忌甚燥之劑犯之必死設用必與潤血藥相兼

服又前瀉積條亦香燥劑用者謹之

活血

本治男婦小兒遠年近日番胃吐食方用五靈脂一味不

拘多少為細末用黃犬膽汁為丸如龍眼大每服一丸好

酒半盞溫服不止再服不過三服即効行義云五靈脂行經血有効本草云

臟腑

食不能下者胃脘膈也全文見水腫一陽發病少氣善欬善

泄其傳為膈全文見診病傳變〇王註云三焦內結中熱故膈塞不便

運氣

運氣膈食皆屬濕經云太陰所至為積飲痞膈是也

雜方

世治番胃痛而吐諸氣不入者黃牛鼻繩各姓者七箇長

七十燒存性為末作三服用好酒調下飯湯調亦得 鯽

魚散大鯽魚一箇去腸留膽納綠礬末填滿縫口以炭火

炙黃為末每服一錢陳米飲調下日三服

山番胃細炒棠梨葉去刺為末酒下 又方松木節為末

發灸

酒下 靈黃帝曰氣為上膈者食飲入而還出余已知之矣虫為

下膈下膈者食晬時乃出晬時通余未得其意愿卒聞之

岐伯曰喜怒不適食飲不節寒溫不時則寒汁流於腸中

流於腸中則虫寒虫寒則積聚守於下管則腸胃充郭衛

氣不營邪氣居之腸胃充郭則衛氣不營人食則虫上食

虫上食則下管虛下管虛則邪氣勝之積聚以留邪氣原

而居下脘今虫上而下管虛則留則癰成癰成則下管約

至時乃復出也 其癰在管內者即內而痛深其癰在

腕外者則癰外而痛浮癰上皮膚黃帝曰刺之奈何岐伯曰微按其癰觀氣所行先淺刺其傍稍內益深還而刺之母過三行察其沉浮以為深淺已刺必熨令熱入中目使熱內邪氣益衰詳此刺癰非所刺也但刺後熨之使熱大氣入于積所則邪免衰去衛氣復盛也癰乃潰伍以參禁以除其內恬憺無為乃能行氣後以醎苦化穀乃下矣

灸刺膈食有四

其一取胃經云垂為下膈按其癰刺之者是其一法也其二取太陰經云太陰根于隱白結于太倉大陰為開開折則倉廩無所輸膈洞膈洞者取之太陰視有餘不足故開折者氣不足而生病者是也蓋膈洞者經謂之食不化下噎還出也

入醫星綱卷三

其三取胃經云胃病若膈咽不通飲食不下取之三里有也又云飲食不下膈塞不通邪在胃腕在上腕則刺抑而下之在下腕則散而去之是也

其四取手少陰經云手少陰之別名曰通里去腕一寸半其病實則支脈取之掌後一寸別走太陽者是也

攝翻胃 勞宮分 中腕灸瀉 心膈一分沿皮向外

玉番胃吐食 中魁中指第三 中腕寸 腕骨一分瀉

東吐食不化 上腕 中腕 下腕

甲食飲不化入腹還出下腕主之 又法三里 陰陵泉

不應取 中腕 天樞 又法 中腕 脾膈 中魁

三里 又法 腋聚毛下宛宛中壯 石關壯 中腕

東今日食明日吐 心膈沿皮 膈膈沿皮 胃堂七壯

中 巨關 胃腕寸半各灸 又番胃 商丘 通谷

巨關 然谷 隱白 陽陵泉 內庭 膈關

忌診

甲背痛惡寒脊強俯仰難食不下嘔吐多痰鬲關主之

丹切不可用香燥之藥服之必死宜薄滋味

脈寸口脈微而數微則無氣無氣則榮虛榮虛則血不足

血不足則胃中冷跌陽脈浮而濇浮則為虛濇則傷脾脾

傷則不磨朝食暮吐暮食朝吐完穀不化名曰胃反脈緊

而濇其病難治脈弦者虛也胃氣無餘朝食暮吐變為胃

反寒在於上醫反下之令脈反弦故名曰虛

脾脈微急為膈中食飲入而還出涎沫全文見虛實法

素胃脈奕而散者當病食痺脈要精微論〇至真要論云食痺而吐

腎脈微緩為洞洞者食不化下噎還出全文見治虛實法

血稿

吐一男子年六十二歲平居不能頓食常喜頻食一日忽

覺咽膈壅塞大便結糞如羊矢三四日一見走動倦乏與

補氣藥則作痛醫見食少則與快腸胃消導之藥乎脈之

兩手俱見濇脈似真臟喜其人形瘦而色紫黑病見乎冬

却有生意遂於四物湯加白朮陳皮煎取濃湯研桃仁十

二粒再煎沸飲之多食諸般血以助藥力三十貼而知至

五十貼而大便潤七十貼而食進百貼而愈

浦江男子年六十自來好色虛甚去秋患吐病或有作時

或有止時腹結微渴

地黃一錢 人參半錢 白朮一錢 黃芩三錢

川芎三錢 芍藥一錢 當歸一錢 陳皮各五分

枳殼半錢 甘草二分 木通三分

楊淳三哥大便秘濇咽塞不通人參散主之方見大便秘門

積滯厚朴丸治飲食噎塞方見番胃

汚血丹東陽王仲延咽膈間常覺有物悶悶每食物必屈曲自

膈而下且種澇作微痛食亦減他無所苦予服之右甚瀇而關甚沉左却和予曰汚血在胃腕之口氣因而鬱爲痰此必食物所致明以告我彼不自覺予又曰汝去冬好食何物爲多曰我每日必單飲點剝酒三兩盃逼寒氣爲製一方用生韭汁半盞令細呷之每服半盞一日三次盡韭二斤而安

滯氣

治膈噎馬剝兒卽王瓜燒存性每一錢用寒肉平胃散二錢溫酒調服食卽可下然後隨病源調理神效寒肉平胃散方見扇

世治噎雞穀袋不問多少不可失包內物一粒用泥固濟火煨存性用姜汁炒香附每箇入半兩香附末神麩爲丸姜湯送下

治氣噎不下飲食

入醫學綱目卷三

五

枇杷葉

去毛 青皮 穢

陳皮拍

右等分爲末每服二錢水一盞生姜五片同煎至六七分服不計時候

治膈氣噎不下飲食用陳皮去白不拘多少用大蒜研細和丸如葶苈大每服二十九至三十九溫米飲下食後日三服

熱滯

金匱玉函五噎心膈氣滯煩悶吐逆不下食蘆根五兩剉

水三大盞煮二盞去查溫服

寒滯

羅漢防已散治五噎

漢防已

錢

官桂兩

細辛七錢

陳皮去白 兩

羚羊角

末

紫蘇各七錢半

杏仁湯洗去皮 尖一兩

右爲細末每服三錢生姜三片水煎日二

本治五種積氣及五噎胃膈不快停痰宿飲纏金丹

丁香

木香

沉香

檳榔

官桂

胡椒

硼砂

白丁香各一錢

白芷

飛礬

馬兜零

南星

五靈脂

瓜蒌根

半夏各半兩

硃砂三錢 半為衣

右為細末入二味研藥和勻生薑汁煮糊丸如桐子大每服三丸生薑湯下或乾嚼蘿蔔湯下

治氣食憂勞思慮五噎膈氣丸

麥門冬

甘草各五錢

人參

桂心

細辛

川椒

遠志

去心沙 各三錢 附子

乾姜各二錢

右為末煉蜜丸如雞豆大綿裹二丸含化食後日三夜三服胸中當熱七日愈

治氣食憂勞思慮五噎膈氣丸

醫學綱目卷三

五

半夏

桔梗各一兩

肉桂

枳殼各兩半

右細末姜汁麩糊丸如桐子大姜湯下三十九食後臥臥服

垂菴

無擇廣五行記永徽中有僧惟則病噎不能食謂諸弟子曰吾死後便可開吾智喉視有何物自經而卒弟子果開視胸中得一物形似魚而有兩頭遍躡皆肉鱗弟子置磁中跳躍不止戲以諸味皆隨化盡時夏中盛藍作殿適有一僧以澆置器中此虫遂遠器中走須臾化為水此乃虫瘕非五噎比後人因以藍治噎悞矣

子和沈丘王宰妻病智膈不利口流涎沫自言咽下胃中常有雷声心間時作微痛又復發昏智乳之間爰癢如棊化痰利膈等藥服之三載病亦依然其家知戴人痰藥不損來求之一涌而出雪白虫一條長五六寸有口鼻牙齒

走於涎中病者惡而斷之中有白髮一莖此正與徐文伯所吐宮人髮痕一同出立安

運氣

運氣噎皆屬燥經云陽明司天之政民病咳噎塞又云陽明之勝內餘噎塞胃中不便噎塞而欬又云陽明司天清復內餘噎塞者是也

右按運氣皆以噎塞生於燥噎塞者噎病也丹溪皆以噎病生於血槁血槁則燥矣得病情合經旨者丹溪一人也

雜方

禹錫頭垢治噎酸漿水煎膏用之立愈

聖治膈氣咽噎噎塞飲食不下用碓背上細蜂蜜丸如彈

子大不時含一丸嚥津下

孫治噎欲發時啣鷓鴣鳥嘴遂下外臺祕要同

聖治噎病用狼結喉骨曝乾杵末入半錢於飯飲內食之

入醫學綱目卷三

聖

妙

針灸 摘五噎吞酸多唾嘔吐不止

天突五分留三呼得通關

在中腕旁各五分針入八分左撚能進飲食右撚能知脾胃許云此穴針四効凡下針後良久覺脾胃磨食覺針動爲一効次針破病根腹中作聲爲二効次覺流入膀胱爲三効又次覺氣流行腰後骨空間爲四効

撮治五噎置中

中魁中指大二節尖灸之以口吹火滅

甄權噎塞膈氣

通谷

憂噎心膈灸

食噎乳根

明堂五噎分治

氣噎置中

思噎天府灸

食噎乳根

乳左下一灸

勞噎鬲膈灸

思噎天府灸

食噎乳根

集五噎

勞宮

中魁

中腕

三里

太陰

支溝

上腕

取後穴

臍中

太白

下腕

右關

脾膈

診

仲寸口脈浮大醫反下之此爲大逆浮卽無血大卽爲寒寒氣相搏卽爲腸鳴醫不知而反與飲水令汗大出水得

寒氣冷必相搏其人即噎

脈寸口脈緊而芤緊則為寒芤則為虛虛寒相搏脈為陰結而遲其人則噎

咽喉噎塞口開目眩

本皆治

垣堵塞咽喉陽氣不得出者曰塞陰氣不得下降者曰噎夫噎塞逆逆於咽喉胃膈之間令諸經不行則口開目眩

氣欲絕當先用辛甘氣味俱陽之藥引胃氣以治其本加

堵塞之藥以瀉其標也寒月陰氣大助陰邪於外於正藥

內加吳茱萸大熱大辛苦之味以瀉陰寒之氣暑月陽盛

則於正藥中加青皮陳皮益益智黃栢散寒氣泄陰火之上

逆或以消痞九合滋腎丸滋腎丸者黃栢知母微加肉桂

三味是也或更加黃連別作丸二藥七八十九空心約宿

食消盡服之待少時以美食壓之不令胃中停留也謹法

人醫學綱目卷三

五

胃病

皆於痛中益氣湯加減之

膈咽不通并四時換氣用藥法 黃帝針經曰胃病者腹

脹胃脘當心而痛上支兩脇膈咽不通飲食不下取三

里夫咽者嚥物之門戶也膈者上焦心肺之分野不通者

升降之氣上不得下交通又云清氣在下則生飧泄飧泄

者謂泄黃如糜米穀不化者是也濁氣在上則生脹腹

中脹滿不得大便或大便難先結後溇皆是也濁氣在上

當降而不降者乃腎肝吸入之陰氣不得入故食不得下

也此皆氣衝之火逆胃之脈反上而作者也清氣在下則

生飧泄者胃氣未病之日當上行心肺而榮經也因飲食

失節勞役形軀心火乘于土位胃氣弱而下陷入陰中故

米穀入而不得升反降而為飧泄也咽膈之間壅遏之甚

不得交通者皆衝脈上行逆氣所作也蓋胃病者上衝兩

脇膈咽不通飲食不下取之三里者是也針經云清濁相干亂於胃中是爲大惋大惋者惑也氣不交通最爲急証不急去之諸變生矣聖人治此有要法陽氣不足陰氣有餘先補其陽後瀉其陰是先令陽氣升發於陽分而後瀉陰也春夏之月陽氣在經當益其經脈去其血絡秋冬陽氣降伏當先治其臟腑若有噎有寒塞者五臟之所主陰也血也噎者六腑之所主陽也氣也二者皆由陰中伏陽而作也今立四時用藥法并治法于後

冬月治法

冬三月陰氣在外陽氣在內當外助陽氣不得發汗內消陰火勿令泄瀉此閉藏周密之大要也盛冬乃水旺之時水旺則金旺子能令母實肺者腎之母皮毛之陽元本虛弱更以冬月助其令故病者善嚏鼻流清涕寒甚則濁涕嚏不止比常人尤大惡風寒小便數而欠或上飲下便色清而多大便不調常夜無寐甚則爲痰爲嗽爲嘔爲噦爲吐唾白沫以至口開目睛氣不交通欲絕者吳茱萸丸主之

醫學綱目卷三

堯

吳茱萸丸治寒在膈上膈咽不通

吳茱萸

草薹各一分

益智仁八分

白姜各四分

陳皮

人參

黃芪

升麻各八分

麥牙半錢

甘草

歸身各六分

半夏錢一

木香二分

澤瀉

姜黃

柴胡各四分

青皮二分

右爲末湯浸蒸餅爲丸如葶藶大細嚼三十九白湯送下不拘時候勿多飲湯恐速走下則減藥力

夏月治法

夏三月大暑陽氣在外陰氣在內以此病值此時是天助正氣而剋其邪氣不治而自愈矣然亦有當愈不愈者蓋

陰氣極盛正氣不能伸故耳且如膈咽不通咽中梗甚者
前証俱作治法當從時用利膈丸瀉肺火以黃芪補中湯
送下如兩足痿厥行步懼怯歌劇欲倒臂肱如折及作痛
而無力或氣短氣促而喘或不足以息以黃芪人參甘草
白朮蒼朮澤瀉猪苓茯苓陳皮等作湯送下滋腎丸五六
十九六七月之間濕熱之令大行氣短不能言者加五味
子麥門冬如心下痞悶食不下以上件白朮蒼朮等湯送
下消痞丸七十九更審而用之

黃芪補中湯方見 利膈丸方見 滋腎丸方見

消痞丸方見

嘈雜

痰火

丹嘈雜只是痰因火而動梔子姜炒黃連不可無 此食
鬱有熱山梔黃芩為君南星半夏陳皮為佐熱多加青黛

入醫書綱目卷三

五

肥人嘈雜二陳湯少加蕪荳蒼朮白朮炒梔子 心下

嘈雜者導飲丸最妙方見內傷飲食

噦 產後噦

噦辨

噦者成無已許學士謂之吃逆是也或曰成無已許學士
固以噦為吃逆然東垣海藏又以噦為乾嘔陳無擇又以
噦名歎逆諸論不同今予獨取成許二家之說何也吞曰
噦義具在內經諸家察之不詳故論紛紛耳謹按靈樞雜
病篇云噦以草刺鼻嚏噦而已無息而疾迎引之立已大
驚之亦可已詳此經文三法正乃治吃逆之法按吃逆用
紙撚刺鼻便嚏噦則吃逆立止或閉口鼻氣使之無息亦
立已或作冤盜賊大驚駭之亦已此予所以取成許一家
之論噦為吃逆為得經旨也蓋噦吃之名雖二而病則一
經名為之噦者噦即吃聲之重也俗名為之吃者吃即噦

此篇辨之而別

陰積
虛

聲之輕也皆因病聲之輕重得此二名初非噦吃有二病若以噦爲乾嘔設使乾嘔之人或使之嘔或使之無息或使之大驚其乾嘔能立已乎噦非乾嘔也明矣若以噦名欬逆夫噦者噦之病聲其聲發會厭下欬者欬之病聲其聲發會厭上故內經噦有噦之口問欬有欬之篇論病各不同噦不可名欬逆也明矣

丹吃逆論 吃病氣逆也氣自臍下直衝上出於口而作聲之名也書曰火炎上內經曰諸逆衝上皆屬於火東垣謂火與元氣不兩立又謂火元氣之賊也古方悉以胃弱言之而不及火且以丁香柿蒂竹茹陳皮等劑治之未審孰爲降火孰爲補虛人之陰氣依胃爲養胃土傷損則木氣侮之矣此土敗木賊也陰爲火所乘不得內守木挾相火乘之故直衝清道而上言胃弱者陰弱也虛之甚也病

八醫集綱卷三

至

人見此似爲危症然有實者不可不知敢陳其說趙立道年近五十質弱而多怒七月炎暑大飢索飯其家不能急且因大怒兩日後得滯下病口渴自以冷水調生蜜飲之甚快滯下亦漸緩如此五七日召予視脈稍大不數遂令止蜜水渴時且令人參白朮煎湯調益元散與之滯下亦漸收七八日後覺倦甚餐吃予知其因下久而陰虛也令其守前藥然滯下尚未止又以煉蜜飲之如此者三日吃尤未止衆皆尤藥之未當將以姜附飲之予曰補藥無速効附子非補陰者服之必死衆曰冷水飲多得無寒乎予曰炎暑如此飲涼非寒勿多疑待以日數藥力到當自止又四日而吃止滯下亦安 陳擇仁年近七十厚味之人也有久嗽病而作止不常新秋患滯下食大減至五七日後吃作召予視之脈皆大豁衆以爲難予曰形瘦者尚

可爲以人參白朮湯下大補丸以補血至七日而安此二人虛之謂也 又一女子年踰笄性躁味厚炎月因大怒而吃作則舉身跳動脈不可診神昏不知人問之乃知暴病視其形氣俱實遂以人參蘆二兩煎湯飲一碗大吐頑痰數碗大汗昏睡一日而安人參入手太陰補陰中之陽者也蘆則反是大瀉太陰之陽女子暴怒氣上肝主怒肺主氣經曰怒則氣逆因怒逆肝木乘火侮肺故吃大作而神昏參蘆善吐痰盡則氣降而火衰金氣復位胃氣得和而解麻黃發汗節能止汗穀屬金糠之性熱麥屬陽楚之性涼失儒謂物具大極學者不可不觸類而長引而伸之也

無凡吐利後多作噦此由胃中虛膈上熱故噦或至八九聲相連於氣不回至於驚人者若傷寒久病得此甚惡內經所謂壞府者是也

右吐利後噦卽丹溪治趙立道與陳擇仁二人噦皆於滯下得之之類六脈大謬用參朮而愈是也予長兄九月得滯下每夜五十餘行嘔逆食不下五六日後加吃逆與丁香一粒噲之立止但少時又至遂用黃連瀉心湯加竹茹飲之吃雖少止滯下未安如此者十餘日遂空心用御米殼些少澁其滑日間用參朮陳皮之類補其虛自服御米殼之後吃聲漸輕滯下亦收而安

仲噦而腹滿視其前後知何部不利利之卽愈

小承氣湯治大便不通噦數語

方見下利中

丹超越陳氏二十餘歲因飽後奔走數里遂患噦病但食物則連噦百餘聲半日不止飲酒與湯則不作至晚發熱如此者二月脈滑數以血入氣中治之用桃仁承氣湯加

紅花煎服下汚血數次即減再用木香和中九加丁香服之十日而愈

痰喘者吐之

無噓而心下堅痞眩悸者以膈間有痰水所爲

丹洪孺人年廿六歲夏月因事爲長上所阻怒氣折鬱不得舒須臾就浴湯熱不可近怒氣復增就悶絕昏倒乃以衣遮掩就房須臾效逆大作每一聲必渾身爲跳躍仍復昏悶凡三五息一作脈不可診予曰此膈上有痰逆爲怒氣所鬱痰熱相搏氣不得降而逆非吐則不可是時夜半又事出倉卒適有人參蘆二兩在彼濃煎飲之大吐稠痰二升許通射得汗因睡半夜而安此即前吃逆論所言者自此詳細故重出之

燥痰不出者用蜜水吐之
世噓聲頻密相連者爲實可治若半時噓一聲者爲虛難治多死在旦夕

入醫學類書卷三

三

滯氣

仲噓逆者陳皮竹茹湯主之

陳皮升二

竹茹升二

大棗三十

生姜升

甘草兩五

人參兩

右六味以水一斗煮取三升溫服一升日五服

乾嘔噓若手足厥者陳皮湯主之

方見嘔吐門

本又方

枳殼錢五

木香分一

右細末每服一錢白湯調下未可再與

孫治諸吃噓陳皮二兩湯浸去穢剉以水一升煎之五合通口服頃刻更加枳殼一兩去穢炒同煎之

外治久患欬噓連欬一二十聲者取生姜汁半合蜜一匙頭煎令熱溫服如此三服立効

汚血

超越陳氏噓用桃仁承氣湯下汚血數升而愈是汚血爲

噦也

熟丹溪用益元散大補丸治趙立道陳擇仁滯下而噦者或
用蜜水治噦者是熱噦也

寒 蜜柿錢散治吃逆

柿錢

丁香

人參各等

右為細末水煎食後服

羅丁香柿蒂散治諸種吃噦嘔逆痰涎

丁香

柿蒂

青皮

陳皮各一兩

右為粗末每服三錢水一盞半煎七分去香溫服不拘

時候

羌活附子湯

羌活

附子炮

木香

茴香各五錢炒

乾姜一兩

八醫學綱目卷三

五十四

右為細末每服二錢盞一撮煎二十沸熱服一服止

臍膈

胃為噦全文見五臟虛實腹痛利而不噦者胃實也

運氣 運氣噦有三

一曰熱經云少陰之復噦噫治以苦寒是也

二曰寒經云太陽之復嘔吐清水及為噦噫治以苦寒是也

也

三曰燥經云陽明之復欬噦治以辛溫是也靈以草刺臍

傷寒將愈忽患吃逆予與古人治吃逆之藥殆遍皆不愈計出無藥遂用皂角末吹入臍中得嚏而吃逆止少時又吃又與皂角末嚏而止者凡數百次其嚏時出痰涕漸多故是吃逆漸疎至三二日而止此是合經草刺臍嚏之法

針灸

黃帝曰人之噦者何氣使然岐伯曰穀入于胃胃氣上注于肺今有故寒氣與新穀氣俱還入于胃新故相亂真邪相攻氣并相逆復出于胃故為噦補手太陰瀉足少陰

世治吃逆於臍下關元灸七壯立愈累驗

羅又方男左女右乳下黑盡處一韭葉許灸三壯甚者二七壯

集治氣逆發吃 宜中 中腕先補後瀉不巳再取下穴 三里 肺

診 俞 行間

心脈小甚為噦全文見治虛實法

產後噦

雜方

大產後欬逆三日不止欲死

肉桂五錢

姜汁三合

右同煎服二合以火先灸手摩令背熱時塗藥汁盡

妙

產後咳逆乾柿一箇切碎以水一盞煎六分熱呷

大醫原補具三

五五

產寶治產後咳逆經三五日不止欲死方煎壁鏡窠三五

箇呷子窠

射炙

大噫吃服藥無効灸期門必愈

杭州圖書館